



93681

晉乘蒐略序

自古聖人不易民而治今之民猶古之民也

以三代而下治道不能復古爲言噫此

以見鄙于鄭公也以余所歷四方風俗

淳莫如晉其民習勤儉而知廉恥有先

平陽蒲坂安邑爲堯舜禹三聖人舊都

深而感之也切故至今風氣獨殊非偶

先生出所著晉乘蒐略見示並囑爲序

見其書雖爲晉之文獻而作而上下

晉乘蒐略序

于治道者大小畢載餘則刪不具錄蓋史家著述之體固應如此余尤多其斷自唐虞示化民成俗之要古今無二理其立言足以不朽至夫考証之精詳文字之奧博則海內有識者皆共歎服無庸余之贅贊矣是爲序

嘉慶庚午冬至後二日湘浦松筠拜題



序

晉乘蒐略者合河

康茂園先生所著也 先生與先大夫同官吳中爲

執友歟歷中外爲

天子

清德名臣舟車所蒞旄節所臨實政著於粵豫齊魯

楚吳間者幾六十年迨今春秋八十有四矣嘉慶已

巳奉

命來

清江綜河工財用爰於暇日取古今事迹之有關於

山右者薈萃而條貫之斷以己意疏證旁通始自唐

晉乘蒐略

序

一

虞迄於前明上下數千年畫山川以畧輿地險隘之

防控扼之要可由此以識彼縷指掌而聯臂肩也表

風俗以驗民情剛柔之何以異宜淳澆之何以易世

可觀政知德備法戒而示塗軌也本諸史乘攷諸圖

經彙歷代名人政理之成效讀者瞭然試之確然非

徒生晉言晉土風是操垂名山不朽之盛業蓋將輔

大化而臻上理俾生平所未盡用於世者於是藉手

以報

國家也夫學人仰屋著書足不出戶庭多易言天下事

一朝從政如井田車戰周官周禮規古人之陳迹而  
倣行之往往柄鑿不相入無所成就爲世訕笑 先  
生服官久而慮事深理河理民見之經猷者卓著一  
時而大耋之年精心果力孜孜不倦出其緒餘勒成  
有用之書以信今而傳後信哉仕而優則學通天地  
人之爲儒矣 兆椿自顧生平學未有得從事于政貿  
然無所執持倘乎若迷泊來三吳仕轍與 先生相  
接幸以通家子侍杖履奉燕閒之清教顧未足以窺  
涯涘也因讀是書而更求益於先生其有以訓不敏

晉乘蒐略

序

二

哉

嘉慶十六年歲次辛未正月上元日雲夢許兆椿謹  
序

晉乘蒐略序

晉之有乘孟子以與魯春秋楚檣杙並稱而後世不見使其得傳縱不敢望孔子之春秋豈出左傳戰國策諸書下哉近世錄史家者正史之外有雜史傳記地理之目然考漢晉隨唐藝文之志其存于今者十不及一焉典籍文記易泯難留誠好古者所深歎惜也合河康茂園先生蒐輯山西一省山川疆圉人物前人所紀誠史氏所當知而不可聽其泯沒者又以意論斷其得失凡爲若干卷取古晉乘以名之先生之才足任史事固無愧左氏之流而其爲此書乃當耄耄之年孜孜于撰述君子之不肯棄日如此豈非衛武懿詩之志乎蘧少嘗有意紀述之事迨老無成先生年長于蘧而卒就此書以存數千里疆土中數千年之掌故今以書來令爲之序蘧不勝嘆服先生用志之美而復俯而增媿非徒蒲柳之衰亦志氣之惰也已嘉慶庚午仲秋日桐城姚鼐撰

序

晉乘仿於春秋一國之語也而其義通於天下天下大勢始於西北晉居深山太行環衛於左黃河縈絡於右河山之會堯舜禹嘗都之神聖經歷之地風教固殊唐魏之勤儉未之有改也晉宋南渡以後士大夫遷離故居文獻率多淹沒史家執簡操筆未嘗親歷其地考證原委而於地方之夷險紆直人民俗尙之淳漓厚薄或有未盡焉太原迤北雁門勾注之間與翟爲鄰堯時冀北拓地極廣自陰山高闕屬之榆

晉乘蒐略

序

一

朝神武遠揚闢地二萬餘里昔之重關雄鎮今不啻堂

戶庭宇涵煦育養百七十年民生不見兵革鄉都縣鄙耕稼如雲樵牧相望黃童白叟歌舞康衢前時艱難已習忘之諺云不上高山不顯平地湖前艱而始知隆盛之難逢猶涉危險而方識蕩平之可樂也

基

田生長是邦見聞習稔而敬恭桑梓尤不敢蔓汎耳目昧沒原委乃私述晉乘一書自唐虞迄今山川風尚人物時事經體制度邊防規畫咸蒐輯舊聞參稽列史旁採百家薈萃成冊恒以己意援引疏證之文取賅備詞不愛奇用備一方文獻俾知我

朝

聖聖相承教養生息以媿唐虞之盛者其來有自非第如文川武水侈陳鄉里之美而已是爲序

嘉慶十有五年歲次庚午三月旣望合河康基田書

晉乘蒐略

序

二

於清江學舍之景賢書屋時年八十有三歲

凡例

一晉爲唐虞故都教化先及數千百年間治亂循環不能昧厥源流通志及郡縣志循次類叙例不兼及此書稍補所略

一天文占驗考治得失志悉詮列然魯梓慎鄭裨竈各言晉鄭災而有驗有不驗子產曰天道遠人事邇茲不備載

一神怪之事多涉元異語誕志荒概不列入

一禹貢奠高山大川太行恒霍五臺大河汾澮漳

晉乘蒐略

凡例

一

沁桑乾諸山水皆經體之大者書中援証特詳以次附列

一前代人物舉其傑著見於正史者不分門類循世叙錄不及時賢以俟將來

一九邊要地晉居其五今西北一帶拓境至二萬餘里晉地俱在堂宇無邊可言但歷代邊防爲時事之要故詳述之見前人規畫之難誌我

朝威德之盛

一輿地沿革隨世代列於篇首以便省覽

晉乘蒐略卷之一

合河康基田茂園氏纂述

男綸鈞亮鈞

校字



太原古并州汾水東流帝堯舊都之唐國也魏處河  
山之間舜禹所都也詩集傳唐在禹貢冀州之域太  
行恒山之西太原太岳之野帝堯舊都周成王以封  
弟叔虞爲唐侯南有晉水至子燮乃改國號曰晉後  
徙曲沃又徙居絳其地土瘠民貧勤儉質樸憂深思  
遠有堯之遺風焉魏本舜禹故都在禹貢冀州雷首  
之北析城之西南枕河曲北涉汾水其地陜隘而民  
晉乘蒐略卷之一

貧俗儉蓋有聖賢之遺風焉周初以封同姓爲虞虢  
焦滑霍楊韓魏諸國封土晉獻公滅之有其地今河  
中府解州是也鄭樵通志古冀州之境西據河河經  
嵐石隰慈絳蒲六州之境嵐州瀕河皆漢汾陽縣地  
唐嵐州合河縣治此冀州西境也禹貢旣修太原治  
汾水也堯時黃水壅汾爲患震及帝都汾源出太原  
北之管涔山流經太原境內南入平陽禹修太原於  
旣載壺口之後重帝都也班志晉陽本唐國堯始都  
此詩譜堯始居晉陽後遷河東都城記晉陽城北二

里唐城堯所築鄒季友云堯都平陽舜都蒲坂禹都安邑地不越二百里皆在冀州云冀方者指其根本之地言也云陶唐者自其肇造之始言也沙隨程氏曰禹貢冀州之北不可畫五服之地

禹貢冀州河山之會書注冀州三面距河河自西來入中國由豐勝南下千五百里至潼關轉東迄濬滑逆折而北至碣石入海直北燕雲諸山接太行轉東南趨至漳衛復轉而西至天臺王屋與河會太行天下之脊山左旋水右折山水交互迴合故曰河山之

晉乘蒐略

卷之一

二

會亦如太極之分陰陽也山右在大河之東曰河東并汾平蒲與雍分界以河爲界也在太行之右曰山右澤潞并代迄大同與豫充分界以太行之脊爲界也舜分冀北地爲并州以在兩谷之間故曰并太原南北皆古并州地也顧祖禹方輿紀要云山右東據太行南通懷孟西薄於河北邊沙漠其名山則有恒霍太行雷首底柱勾注五臺其大川則外環黃河內絡汾沁其形勢東則太行爲之屏障西則大河爲之襟帶北則陰山大漠爲之外蔽而勾注雁門爲之內

險南則首陽底柱王屋析城諸山濱河而錯峙汾澮  
滌流於右漳沁包絡於左出天井則孟津潼關爲門  
戶下壺關則彰衛爲坦途踰雁門勾注則燕雲爲捷  
徑此言山右河山之大勢也至語其地利太行逆折  
而水皆西流汾平之沃饒其來有自桑乾滹沱清濁  
漳水之縈繞畿南爲

神京右臂亦若江漢之朝宗也朱文公云冀州山川  
風氣所會也昔者堯舜禹嘗更居之矣

帝堯元載卽帝位於平水之陽都平陽命羲和治歷

晉乘蒐略

卷之一

三

象四時推候皆合積一朞而天有餘度歲有餘日氣  
朔盈虛而閏生焉三歲一閏五歲再閏十有九歲七  
閏爲一章日月氣候始參會後世章法昉於此春秋  
文曜鉤云唐堯卽位羲和立渾儀儀象之設其來遠  
矣黃帝書曰天在地外水在天外水浮天而載地者  
也書璿璣玉衡以齊七政後世渾天儀宗此晉張平  
子作渾天儀以漏水轉之於密室中與靈臺觀天者  
璇璣所加星之出沒合符又轉瑞輪萸莢於堦下隨  
月盈虛依歷開落渾天儀注云天如雞子地如雞中

黃孤居於天內天大而地小天表裏有水天地各乘氣而立載水而行周天三百六十五度四分度之一又中分之半覆地上半繞地下故二十八宿半見半隱天轉如車轂之運日隨天而轉人目所望不過十里天地合矣實非合也遠使然耳視日入非入亦遠耳當日入西方時下之人亦謂之爲中也四方各以遠近爲出入矣張衡云支曜麗乎天其動者有七日月五星是也日者陽精之宗月者陰精之宗五星五行之精衆星列布體生於地精成於天列居錯峙各晉乘蒐略

卷之一

四

有攸屬義和因之立儀象衡變通其法作渾天地動儀皆遺意也昔伏犧觀象察法黃帝創受河圖始定星傳高陽命南正重司天北正黎司地帝嚳式序三辰至唐羲和紹治軌遂定古今歷象之宗圖書編冀州古堯都山西太原平陽潞安并州大同汾州遼澤皆古冀州之域其於天文太原參井分野平陽觜參分野潞安參井分野汾州參分野大同昴畢分野澤州觜參分野遼州參井分野沁州參井分野山西諸郡三觜參四參井惟大同爲昴畢堯時畿內地也元

和志稷山縣東北十七里有古羲和墓稷山縣志古羲和墓在縣東莊村有廟在墓前

二載帝居平陽土階三尺茅茨不剪憫下民昏墊崇儉以爲民先史記李斯列傳李斯曰吾有所聞於韓子堯之有天下也堂高三尺采椽不斷茅茨不剪雖逆旅之宿不勤于此矣冬日鹿裘夏日葛衣棗糲之食藜藿之羹飯土甌啜土銅雖監門之養不穀於此矣禹於宮室衣服飲食悉從節儉遵堯之道也

二載置諫鼓立謗木置敢諫之鼓使天下得盡其言

晉乘蒐略 卷之一

五

立誹謗之木使天下得攻其過按此開言路以防壅蔽舜之闢門達聰亦本於此後世英主明辟多宗此法

二載作戒其辭曰戰戰慄慄日謹一日人莫躓於山而躓於垤後世不顛高山顛平地卽祖此義按傅元古務成行云唐堯諮務成謙謙德所興積漸終光大履霜致堅冰以如天如神之聖而戒履霜樂聞其過日謹一日則天下無可自是之人人無可自是之曰危微之精在是矣堯首及此所由康衢有謠擊壤有

歌華封有祝德隆五帝尚書獨載堯以來也

史記伯夷列傳堯讓天下於許由許由不受恥之逃  
隱太史公曰余登箕山其上蓋有許由塚云按孔子  
刪書斷自帝堯始百王之道自堯而開其憂天下之  
心在於得人成治而僅以徒讓爲事未足測則天之  
大也古史考許由隱箕山恬淡養性無欲於世堯禮  
待之終不肯就時遂崇大之曰堯將以天下讓許由  
由恥聞之以洗其耳此乃爲徵實之言堯不至輕天  
下若斯許由亦何至褊淺如是聖賢行事非凡近所

晉乘蒐畧

卷之一

六

能窺測往往擬之不於其倫太史公之言曰堯之於  
舜岳牧咸薦乃試之以位典職數十年傳天下若斯  
之難也讓由云乎哉立論尤爲明確方輿紀要平陸  
縣東北九十里箕山相傳堯時許由隱此山形如箕  
因名下有清澗卽由洗耳處而洪洞之九箕山遼州  
東之箕山皆稱爲許由隱處高賢遺跡爭相攀引以  
爲重箕山隱遁當在大河以北考地徵信自以平陸  
之山形爲近是若遼州則遠出上黨之北矣太史公  
不聞經涉其地姑第勿深考也襄陵縣志縣東南三

五載越裳氏來朝越裳氏重譯來朝獻大龜蓋千秋  
方三尺餘背有科斗文記開闢以來帝命錄之時有  
草生於庭曰蓂莢十五之前日生一葉十五之後日  
落一葉小餘則一葉厭而不落觀之以知旬朔曹植  
帝堯贊曰火德統位父則高辛調適陰陽其惠如春  
巍巍成功配天則神貫休堯銘云仲尼有言巍巍帝  
堯承天眷命罔厥矜驕四德炎炎堦莫不凋禾孚於  
休垂衣飄飄

七載麒麟遊於郊藪帝在位七年民不作忒鳴久逃  
晉乘蒐略 卷之一 八  
于絕域麟遊于郊民氣和樂山海經蒼梧之野有鳴  
久注卽鴝鵒李時珍曰鴝同鴝惡鳥也

十有二載巡狩方嶽帝臨民以十載周流五嶽存鰥  
寡賑荒札一民饑曰我饑之一民寒曰我寒之一民  
羅辜曰我陷之故民戴之如日月愛之如父母川嶽  
記并州恒山五嶽之一淮南子堯周流五嶽五方之  
嶽也在北曰恒山禹貢太行恒山恒在太行之西北  
周禮職方并州山鎮曰恒山在大同府渾源州南二  
十里卽北嶽也寰宇通志恒距岱一千五百里距華

二千一百里距衡五千一百里距嵩二千一百里左  
太河右洪河翼以霍山五臺當其衝山東紫芝峪有  
得一峯天一生水於卦爲坎北嶽奠極之義也

帝堯四十有一載虞舜生舜之先國於虞故虞城在  
河北縣虞山之上堯以女嬪於虞之地也系出虞幕  
通志虞幕舜曾祖也能平聽協風以生樂而成物有  
虞氏報焉孔晁云幕能造道功不及祖德不及宗故  
每於歲之大蒸而報祭之左氏言舜祭幕而風俗通  
亦謂舜祖幕與呂梁碑合內傳國語胥云自幕至於

晉乘蒐略

卷之一

九

瞽瞍無違命然後言舜重之以明德系出於幕明甚  
幕生僑牛僑牛生瞽瞍賈逵韋昭乃以幕爲虞思直  
謂爲舜後矣豈確論哉隋書地理志河東縣有歷山  
在縣南三十里其東爲神嶺兩水夾注內有虞原水  
經注河東縣有歷山謂之歷觀舜所耕處也歷山有  
舜井媯汭二水出焉南曰媯北曰汭水西經歷山下  
流注於河歷山或亦謂之薄山垣曲縣志縣東北諸  
馮山舜生於此通鑑輯覽注在今蒲州府永濟縣後  
居馮汭在永濟縣首陽山下孫奭孟子疏不詳其地

帝王世紀堯都平陽於詩爲唐水經注汾水又南逕平陽縣故城東晉大夫趙量之故邑也朱子語類堯都中原風水極佳左河東太行諸山相遶海島諸山亦皆相向右河南遶直至太山湊海第二重自蜀中出湖南至廬山諸山第三重自五嶺至明越又黑水之類自北纏繞至南海泉州常平司元和郡國志平山今名姑射山平水出焉明一統志平山在府城西南二十五里姑射山之支也臨汾縣志平水自平山麓平地湧出東流爲平湖又東逕平陽城南東入汾

晉乘蒐略

卷之一

十

都城在平山平水之陽故曰平陽漢書地理志河東郡平陽堯都也

帝堯五十載遊於康衢五達曰康四達曰衢人民通行湊集之地也有老人擊壤而歌曰日出而作日入而息鑿井而飲耕田而食帝力於我何有哉列子堯治天下五十年游於康衢聞童謠曰立我蒸民莫匪爾極不識不知順帝之則堯問誰教爾爲此言童曰聞之大夫大夫曰古詩也昔人謂康衢之歌謠堯時之國風也按天以大德生物堯則天以育羣生人曰

在天之下而相忘於天猶日被堯之澤而莫能名堯也李太白云草不謝榮於春風木不怨落於秋天二語深得此意其語本之郭象箋注云聖人之在天下煖然若陽春之自和故蒙澤者不謝凄乎若秋霜之自降故凋落者不怨使人遊於化字而若無事焉天道無心而成化聖人有心而無爲堯之民飲和食德於光天化日之中而忘帝力於何有堯之爲君一天而已矣平陽府志康衢在府城東北二里堯時之衢道也

晉乘蒐略

卷之一

十一

王充論衡云帝堯之時民擊壤於塗向不知壤爲何物後見李善注文選引風土記云壤以木爲之長四尺三寸其形如履臘節童稚以爲戲其法先側一壤於地遙以手中壤擊之中者爲上太平御覽亦載此事云長尺四寸與文選注小異恐誤以四字置尺字上蓋其形如履使長四尺三寸不復有履形矣合河本古唐地鄉人於重九日斷木如楸長約尺三四寸若如風土記所云四尺三寸則不能擊矣側壤於地而擊之法與古同卽古擊壤戲也謝惠連與袁覬書

云至於帝鄉何辱之有

左傳晉居深山堯時水聚於山谷而不下洩平陽首當其患禹貢旣載壺口經始之謂載河自積石而下折而南流龍門爲南出之口壺口爲南下之口首治之以殺河勢疏水源重帝都也漢地志壺口山在河東郡北屈縣東南今吉州地也黃河之水下注形若壺然壺口之北黃河中流曰孟門山淮南子曰龍門未闢呂梁未鑿河出孟門之上大溢逆流無有邱陵高阜滅之穆天子傳北登孟門九河之蹬孟門卽龍門之上口也實爲黃河之巨扼禹始鑿此河中激廣夾岸崇深傾崖返捍巨石臨危若墜復倚古人謂水非石鑿而能入石信哉其中水流交衝積氣雲浮常若霧露沾人窺深魂悸其水巨浪萬尋懸流千丈渾洪聳怒鼓若山騰迅波頽壘迄於下口方知慎子下龍門流浮竹非駟馬之追也元和志孟門山俗名石槽今按河中有山鑿中如槽東流懸七十餘尺地理通釋黃河至孟門山是爲入龍門至汾陰縣合河之上是爲出龍門從古津要之所也魏土地記曰梁山

北有龍門山大禹所鑿通孟門河口廣八十步巖際  
儁跡遺功尙存元段克己禹門詩黃河一綫天上來  
兩山突兀屏風開天生聖人爲萬世驚濤拍岸鳴春  
雷禹功永賴始此

都城記太原故城北二里唐城世傳帝堯始都於此  
方輿紀要太原故城在今太原縣治東北古唐國也  
堯築唐城爲唐國帝堯之裔子所封其北夏禹所都  
周成王滅唐封其弟太叔虞虞子燮父徙居於晉水  
旁併理故唐城以唐有晉水改名曰晉亦謂之大鹵  
晉乘蒐略

卷之一

三

堯始都晉陽後遷平陽府西南二十里平陽城故堯  
都也詩譜唐者帝堯舊都夏禹初亦嘗都焉堯始都  
晉陽後乃遷平陽左傳范宣子曰昔句之祖自虞以  
上爲陶唐氏注陶唐帝堯所治地太原晉陽縣也

水經注善無水歷於呂梁之山而爲呂梁洪其巖層  
岫衍澗曲崖深巨石崇竦壁立千仞河流激盪濤湧  
波襄雷奔雲洩震天動地蓋大禹所闢以通河也禹  
貢治梁及岐先儒皆以爲雍州之山晁氏謂冀州之  
呂梁狐岐山也蔡氏集傳從之書傳會選云梁岐皆

冀州山先儒以爲雍州梁岐者非是梁山卽呂梁也  
黃河惟蘭州有橋保德州天橋峽天然成橋振古如  
茲皇輿全覽云天橋峽在保德州東北三十五里河  
曲縣西南二十五里兩岸壁立上濶一十二丈五尺  
中濶七丈下濶八丈五尺共長九十丈冬月積冰成  
橋因呼爲天橋束萬里之流於一峽中懸水下注濤  
聲如雷酈道元卽以此爲呂梁司馬彪曰呂梁在離  
石縣西今於縣歷山尋河乃無過岨至是乃爲河之  
巨險卽古呂梁矣在離石北以東可二百有餘里通

晉乘蒐畧

卷之一

古

志道元紀里惟天橋峽可當之雖指不敢定殆昧壁  
立千仞之爲形擬辭也閻百詩謂天橋去離石四百  
餘里此又忘古離石山當繇今臨縣赤洪嶺北計里  
不當繇永寧州治計里也永寧州志黃河由興縣紅  
石灘磧流及州境至孟門折而南河曲縣志河入縣  
境石壁巉削胥似斧鑿古傳禹跡太原府舊志河曲  
西北四十里赤崖在河會村古名赤崖村土色俱赤  
皇輿全覽引舊志言相傳呂梁未鑿時河出此山之  
上崖上有蛤蚌遺殼皆腐壞不完上古洪水汎濫所

及今離石有呂梁碑漢時人劉耽作言舜禹治水時  
事雖碑漫漶可辨者只六十字然碑出離石可信也  
羅泌呂梁碑云呂梁碑劉耽作字爲小篆鉤畫譌泐  
間可認者僅六十言耽於傳無聞矣据碑之言皇帝  
登封之歲蓋秦漢間人也碑中叙紀虞帝之世云舜  
祖幕幕生窮蟬蟬生敬康敬康生喬牛喬牛生瞽瞍  
瞽瞍產舜命禹行水道呂梁特此節完備爲可考甲  
申秋七月觀於內相郭知章明叔家公異時亦嘗集  
錄古刻多六一先生之未見者二百斯其一也有虞

晉乘蒐略

卷之一

五

氏之明德千古共被繇數千歲後予得論而次其世  
祀天未喪斯文也按呂梁碑出於離石離石去天橋  
僅二百餘里由善無歷呂梁與天橋近而天橋又遠  
龍門八百餘里入中國南下至潼關一千五百餘  
里行山峽中呂梁在河之上流龍門在河之下流洩  
龍門而更洩呂梁上下始無阻遏之處故呂不韋謂  
龍門未啟呂梁未鑿河出孟門之上非無見也今離  
石西百二十里有孟門城卽魏吳起所謂左有孟門  
者若天橋未鑿水出孟門上呂氏分龍門呂梁宜非

一地爾雅云梁山晉望卽冀州呂梁今介休縣狐岐  
之山勝水所出今六壁城在勝水之側實古河流經  
行之險阨是卽以天橋爲呂梁自古不易其說酈道  
元所云信非無據自不得拘泥舊說謂龍門呂梁爲  
一地而置上流於不問也

莊子堯觀於華元載建中都議黃河北來太華南倚  
北接汾晉西連同華堯時畿內地也堯觀於華華封  
人曰嘻請祝聖人使聖人富壽多男子帝曰多男子  
則多懼富則多事壽則多辱封人曰天生萬民必授

晉乘蒐略

卷之一

六

之職多男子而授之職何懼之有富而使人分之何  
事之有天下有道與物皆昌天下無道修德就閒千  
歲厭世去而上仙乘彼白雲歸於帝鄉何辱之有  
書曰洚水警予不曰災而曰警恐懼修省怵於災之  
切近也禹平水土水治而後平水平而後土得平天  
下之勢西北高而東南下水勢乘高壅於上流而不  
得下汾水過於川原而不得出土爲水所占平陽帝  
都無平土矣黃河自西流入中國轉東南下行萬山  
中歷千五百餘里皆在河東境內壺口未洩而壺口

以上保德之天橋東其勢壺口以下平陸之底柱遏其流水不歸帝都而焉往也當時震驚於帝居之不寧皇皇築隄捍衛增高培厚終年不息殊不知水壅而高則有減頂之患水激而怒則有衝決之憂所以警子也禹經始於壺口而鑿治上下之岨阨水下洩而帝都之士得然後功有可施急先務也鯀惟知衛帝都憂河汾之內灌堙洪水河不治而汾益不治禹惟使河水下洩開上源河治而汾亦治成敗所由分也鯀艱難困衡至於九年之久四岳之咨試可之異

晉乘蒐略

卷之一

七

猶惜其才卒至敗壞決裂無可如何禹始遡流窮源以幹父蠱河事豈易得於指顧間而可鹵莽以從事哉

書傳堯都岳陽山南曰陽今岳陽縣地帝之所都揚子雲冀州箴曰岳陽是都是也名勝志岳陽在太岳之南澗河縈繞霍山聳峙縣東北有堯城書傳堯都岳陽是其地按霍州志州東三十里陶唐谷有帝堯祠相傳帝堯避暑處有泉飛流如玉曰玉泉岳陽爲霍山之陽與陶唐谷相去不遠三伏炎蒸正河汾漲

發之時避暑實以避水或以岳陽爲行宮堯由晉陽遷都平陽無更都岳陽之理可考而知也明陳灝過岳陽詩霍山南去岳陽城城外人家似曉星流水閒雲巖徑白平蕪落日野田青

帝堯六十載虞舜以孝聞舜母早喪瞽瞍更娶生象象傲瞽惑後妻愛少子嘗欲殺舜舜盡孝弟之道日以篤謹年二十以孝聞耕稼陶漁於中條之麓人皆服其化帝堯聞之妻二女以觀其內九男與處以觀其外舜內行彌謹二女執婦道九男皆益篤史記瞽瞍使舜穿井舜旣入深瞽瞍與象共下土實井舜爲匿空旁出正義言舜潛匿穿孔旁從他井而出也竊嘗思之不得其理帝王世紀河東有舜井顧祖禹方輿紀要載舜井在蒲州治東南有二井南北相通可秉炬入卽史記所云穿孔旁出者山右南北巖麓每有風穴龍洞穿穴旁出曲折可通秉炬而入水泉沉浸忽起忽伏竟有行至十數里不知所止二井南北相連實其一而旁洞可通無待穿也宋真宗臨觀賜名廣孝宋人詩心知思舜處時見井中天

尚書疏證蔡傳堯初爲唐侯後爲天子都陶故曰陶唐堯爲天子實先都晉陽後遷平陽府從不聞有都陶之事真屬臆語卽書疏左氏杜註孔疏亦不確惟漢書臣瓚注堯初居於唐後居陶故曰陶唐師古曰瓚說非也許慎說文解字云陶邱再成也在濟陰夏書曰東至陶邱陶邱有堯城堯嘗居之後居於唐故堯號陶唐氏斯得其解矣杜氏釋例晉大鹵大原大夏參虛晉陽一地六易名閭百詩謂尙不止此昭元年曰唐定四年曰夏虛晉語曰實沈之墟襄二十四

晉乘蒐略

卷之一

九

年曰陶唐世本曰鄂詩譜曰堯墟又六名皆是也

鄭樵通志三苗復九黎之亂堯克之於丹水之浦以服南蠻不忘重黎之舊使其後復典之是爲羲和氏羲和能順天之道歷象日月星辰分爲四序以授民時羲仲居嵎夷理東作以殷春仲羲叔居南交理南譌以正夏至和仲居昧谷理西成以殷秋中和叔居朔方理朔易以正冬至四時之氣旣正日星之躔無爽則人民之作息鳥獸之孳乳皆可得而理故重黎

世叙天地

帝紀帝堯陶唐氏姬姓高辛氏之第二子也母帝嚳  
四妃陳豐氏曰慶都嘗觀三河之首黃雲覆之娠十  
有四月生於丹陵曰堯身侔十尺豐下銳上龍顏曰  
角八采三眸聰明密微年十三助摯封植受封於陶  
明人察物照義崇仁禁詐僞正法度不廢窮民不傲  
無告底德靡懈百姓和欣於是改國於唐年十有七  
踐帝位都平陽以火紀德色尙白黃收純衣彤車白  
馬居於明堂淮南子堯之導萬民也水處者漁山處  
者木谷處者牧陸處者農舜承堯之治耕稼陶地所  
處無不相宜耕於歷山耨年而田者爭處境墾以封  
壤肥饒相讓釣於河濱耨年而漁者爭處湍瀨以曲  
隈深潭相予當此之時口不設言手不指麾執元德  
於心而化馳若神後千餘年虞芮質成卽虞聖過化  
之地雖由西伯德盛所感而風教固殊矣朱子論蒲  
地虞舜所都其地磽瘠人民樸儉神聖治迹之所經  
行薰陶漸染深入於當時之人心至於久而不更其  
舊陶唐氏之遺民有虞氏之治澤迄至於今猶可想

見也

通志諸馮山在垣曲縣北五十里山最明秀相傳舜  
生此山後巔平廣土人名舜王坪接陽城盤亭山卽  
鼓鐘山之嶺也方輿紀要諸馮山在垣曲縣東北四  
十里孟子舜生諸馮卽此皇輿全覽垣曲縣東北諸  
馮山相傳舜生諸馮卽此孫奭孟子疏諸馮在冀州  
之分不云山名今蒲州首山乃歷山有舜井名廣孝  
泉縣東北五十里鼓鐘山有瞽瞍遺塚因以瞽塚名  
山皆地近諸馮似可傳信並存其說名山記鼓鐘山  
壁立直上軒舉百有餘丈教水經其峽懸流飛瀑下  
晉乘蒐略 卷之一 辛

注於壑水廣千許步南流歷鼓鐘山分爲二澗一澗  
西北出一百六十許里山岫廻阻纔通馬步今聞喜  
縣東北谷口猶有乾河里故溝存焉一水歷冶官西  
世人謂之鼓鐘城城西阜下有大泉西流注澗教水  
合伏入石下南至下峽

通志隰州蒲子山在州東五十里跨隰蒲二境蒲伊  
子隱此蒲伊子一名蒲衣渾渾噩噩抱道而潛居蒲  
谷山中堯聞其賢躬往師之山有講道臺國語二十  
二年公子重耳出亡及柏谷卽在隰蒲之間也

墨子曰舜漁獲澤陽城縣志獲澤在縣西南一十里水經注獲澤水出澤城西白澗嶺下東經獲澤應劭曰澤在縣西北又東經獲澤縣故城南蓋以澤名縣也其水際城東注又東合清澗水水出其縣北東南逕澤城東又南入澤水縣志澤河由縣西南臨澗里東流至縣西南三里坪頭村折而東北繞南郭又東北繞東郭又北至城東北隅始折而東南五里由石門入沁

六十有一載洪水命鯀治之功弗成時河出孟門山

晉乘蒐略

卷之一

三

江淮流通無有平土帝求能治水者四岳舉鯀帝乃封鯀爲崇伯使治之鯀乃大興徒役作九仞之城訖無成功翰墨全書太谷縣東南八十里馬嶺上有長城非秦以來之長城也堯時洪水橫流鯀築堤障之延三百餘里程子言河北見鯀堤無禹堤鯀理洪水無功禹則導之而已禹非無事于堤而先疏以順水性疏之而後防之疏固導防亦導也孟子曰禹抑洪水抑裁也止也防猶孔子法也故昔人謂禹有疏有防鯀防而不疏漢平當賈讓策河不疏不防漢武防

而不疏宋人防自防疏自疏惟漢王景塢流法築堤  
千里鑿山阜破砥磧直截溝澗防遏衝要疏決壅積  
十里立一水門令更相廻注無有滲漏疏防俱得是  
以東漢及唐無大水災陳平江宗法王景兼漢陳登  
晉謝安唐李吉甫宋柳廷俊諸人之法疏築並用以  
纘禹功鯀惟有事于帝居而切警予之懼皇皇於崇  
防如後世汎時之築防禦水而不知水無去路防之  
高有限而水之長無涯馬嶺三百里之防豈能堙洪  
濤之勢哉

晉乘蒐略

卷之一

三

七十載舉舜登庸帝在位七十載以子朱囂訟不可  
援乃詢四岳求遜位四岳羣臣咸舉舜舜內行彌謹  
帝以爲賢乃命以位金氏履祥曰書稱帝堯克明峻  
德以親九族若如史記世系則堯之於舜爲同高祖  
之族而直妻以二女豈得謂之克明峻德故知堯舜  
不同出於黃帝也

尙書中候堯卽政七十載德政清平比隆伏羲鳳凰  
巢於阿閣楊震傳堯遭洪水而民無菜色兔園策注  
堯時三年耕餘一年食謂之升平九年耕餘三年食

謂之登平二十年耕餘七年食謂之太平呂氏春秋  
太平之時雲則五色而爲慶三色而成喬通志五色  
雲見於長子之南山經日不散因名山爲慶雲博物  
志堯時有屈軼生於廷佞人入朝則屈而指之名指  
佞草又獬廌生於朝張揖漢書注獬廌似鹿而一角  
人君賞罰得中則生於朝觸不直者世紀典術聖王  
仁功濟天下者堯也故瑞應疊出一曰慶雲

左傳襄九年陶唐氏掌火官名火正闕伯爲堯火正  
舜登庸後則益爲之古者火官最重高辛世祝融能

晉乘蒐略

卷之一

三

昭顯天地之光明以生桑嘉材周禮司燿掌行火之  
政令四時變國火以救時疾火不數變疾必興聖人  
調變微權正寓於此觀一藏冰啟冰間尙足和四時  
而免天札况火爲民生日用所常需出之內之關於  
氣化也

通典并州太原禹治水始於此禹勞身焦思澤行路  
宿以蹙洪水治始冀州理其脊也朱子謂雲中正高  
脊處脊以西之水西流入於龍門西河脊以東之水  
東流入河龍門一啟恒衛旣從冀州之水治矣

皇輿全覽垣曲縣東五十里鼓鐘山一名瞽塚山教水之所經也上有瞽瞍遺塚因以名山水經注教水歷鼓鐘峽懸洪五丈飛流注壑夾岸深高壁立直上徑崖秀舉百有餘丈崖間翠柏頰石丹青綺分望若圖繡山海經鼓鐘之山帝臺之所以觴百神卽此山瞽塚在是中條之尾山也

河渠志序曰禹勤心南畝盡力溝洫以開萬世之利夏氏禹貢合注曰天下皆溝洫則天下皆容水之地天下皆修溝洫則天下皆治水之人小水有所支分晉乘蒐略卷之一  
二五  
則大水不至溢決而水無不治則田無不墾禹之明德遠矣後世舉古溝洫封畛之法盡毀之水何得不興害也

水經河水南過河東北屈縣西河又南過皮氏縣西又南出龍門口通典絳州龍門縣有龍門山卽禹所鑿山之東在今龍門縣北西在今韓城縣北河從其中下流水華賦云禹鑿臨崖之阜陸決陂潢而相汲啟龍門之翠嶺壘陵巒而嶄鑿羣山旣略百川潛濶河渠考云美哉禹功萬世永賴微禹其魚遺黎之思

七十有一載帝賓于四門流四凶族帝鴻氏有不才子曰渾沌少昊氏有不才子曰窮奇顓頊氏有不才子曰檮杌縉雲氏有不才子曰饕餮天下謂之四凶舜投諸四裔于是四門穆穆而無凶人

七十有二載命舜攝位帝使舜入山林相視原隰雷雨大至衆懼失常舜行不迷乃命攝位

是載命禹爲司空治水禹與益稷同受命命諸侯興人徒以傅土禹乘四載行山表木以水患莫大於河濟次之淮與江又次之乃先治河始冀州

晉乘蒐略

卷之一

五

柳宗元晉問云平陽古郡堯之所理有茅茨采椽土礪之度故其人至於今儉嗇有溫恭克讓之德故其人至於今善讓有師錫僉曰疇咨之道故其人至於今好謀而深思有百獸率舞鳳凰來儀於變時雍之美故其人至於今和不怒有昌言儆戒之訓故其人至於今憂思而畏禍有無爲不言垂衣裳之化故其人至於今恬以愉吳子曰儉則財用足而不淫讓則遵分而進善其道不鬪謀則通於遠而周於事和則人之質戒則義之實恬以愉則安而久於其道也

至乎哉其流被於今唐魏之間有先王遺教劉氏瑾  
曰自堯至於周千餘年其風化流傳固結於唐人之  
心故其民間質樸勤儉之習警戒忠告之情備見於  
詩前漢地理志唐詩蟋蟀山樞葛生篇皆思奢儉之  
中念死生之慮與伯益告戒之辭同條共貫信乎前  
聖之遺風也

帝王世紀堯命禹爲司空繼繇治水乃勞身涉勤不  
重經尺之壁而愛日之寸陰手足胼胝世傳禹病偏  
枯步不相過人曰禹步吳越春秋云禹傷其父功不

晉乘蒐略

卷之一

三

成循江沂河盡濟涉淮居外十三年聞樂不樂過門  
不入冠挂不顧履遺不躡功未及成愁然沉思按禹  
爲萬世功後世震其功之隆尊之爲神而不知其勞  
身涉勤至于敝肢體而不恤非人所能爲也禹身執  
纛垂以爲民先沐浴霪雨櫛疾風決江疏河鑿龍門  
闢伊闕修彭蠡之防平治水土公天下而不私其家  
績用克成帝謂禹克勤于國克儉于家勤儉治家國  
之本尤爲行水要著勤則有功儉則功歸實用雖有  
什伯庸衆之才卒未聞舍此而能自樹立者禹當四

海溟泮民皆上邱陵赴樹木而以一人身任其勞燒  
不暇攢濡不給扞奠萬姓之安而已無與猶是道也  
崇防非儉方命非勤成敗得失之由莫非自致論古  
得間當于平實中求之也

書禹貢旣載壺口吉州志壺口山在州西南七十里  
黃河之水盡注其中勢如壺然水經注汾水南與平  
陽合水出平陽西壺口山尙書所謂旣載壺口也括  
地志壺口山在慈州吉常縣西南五十里冀州境也  
禹貢旣修太原至於岳陽非今之岳陽縣也岳陽本  
晉乘蒐略

卷之一

三

漢猗氏縣屬上黨郡名勝志太岳卽霍山在縣東北  
界有堯城書傳堯都岳陽是矣今縣本上黨郡之穀  
遠縣地後魏之安澤縣也隋始改今名亦後魏冀氏  
縣及隋和川縣之境

書禹貢底柱析城至於王屋漢書地理志河東郡濩  
澤縣禹貢析城山在其西南通志陽城縣戰國時濩  
澤邑境內析城山峯甚高峻上平坦下有二泉東濁  
西清左右不生草木數十步外多細竹寰宇通志山  
頂有湯王池俗傳湯早禱雨處池四岸生龍鬚草李

濂登王屋山序其所歷云王屋一名天臺山在陽城縣西南一百二十里道書名小有清虛之天杜甫詩憶昔北尋小有洞卽此山也其絕頂曰天壇常有雲氣覆之輪菌紛郁雷雨在下飛鳥視其背相傳自古仙靈朝會之所世謂之西頂蓋以武當爲南頂泰山爲東頂並稱三頂云自山麓陽臺宮北行磴道中兩山壁立千仞磴中行里許復上山坡壘巘盤曲乃循石磴入紫薇宮仰視臺殿如在天上至門榜曰王屋山門內爲天王殿榜曰天下第一洞天又一層曰三晉乘蒐略

卷之一

三六

清殿對華蓋山如几案然又上一層曰通明殿設昊天上帝像殿中陳列皆宋金元時物復乘山轎僕夫持短繩牽輿以上出紫薇宮西上至望仙坡山徑愈峻險轎不可行乃步以上過此則躡瘦龍嶺登一天門歷十八盤山石壁陡絕旋繞而上至躡雲嶠稍上則紫金巖少頃至南天門則愈陡絕手攀鉄索以上謁玉皇殿殿之東曰清風臺西曰明月臺皆巨石也又行數十步至絕頂謁軒轅廟真君祠東曰日精峯日始出時精彩爛然西曰月華峯月上時光華先見

也於是東望海岱西眺崑邱北顧析城南俯黃河如  
線嵩山少室隔河對峙咸聚目前下視華蓋諸山卑  
如培塿天下奇觀無踰此者再步至北天門古松十  
數株環列成行皆千百年物也再上徑險不可行乃  
下南天門里許至黑龍洞洞前有太乙泉蓋濟水發  
源處也世傳析城之山升白氣於天落五斗峯爲濕  
雲自竇中滴水降太乙池云李濂自山麓直窮至頂  
憶及李太白詩願隨夫子天壇上閒與仙人掃落花  
超然有遺世之思漢書地理志河東郡漢澤縣禹貢  
晉乘蒐略

卷之一

二

析城山在西南今陽城西南七十里晁氏曰析城山  
太行之支山也草木分析曰析山峯四面如鐵寰宇  
通志析城山頂有成湯廟元李俊民碑

郊特牲伊耆氏始爲蜡蜡也者索也天子大蜡八先  
嗇一也司嗇二也農三也郵表畷四也貓虎五也河  
防六也水庸七也昆蟲八也蜡之祭也主先嗇而祭  
司嗇也祭百種以報索也大蜡之時索鬼神而以十  
二月合聚萬物勞農以休息年不順成則八蜡不通  
伊耆制祭所謂三時告勞一日爲澤者重農祈穀之

事肇始於此王崇簡箋記蜡祭八神水庸居其七水則隍也庸則城也此正祭城隍之始城隍之名本此堯時已崇其祀

史記楚世家重黎爲帝嚳火正能光融天下命曰祝融邵氏學史曰古有火正之官語曰鑽燧改火此政之大者周禮司烜氏所掌及春秋宋衛陳鄭所紀者政皆在焉今治水之官猶夫古也而火獨缺焉有明火有國火明火以陽燧取之於日近於天也故卜與祭用之國火取之五行之木近於人也故烹飪用之

晉乘蒐略

卷之一

三

古人用火必取之於木而復有四時五行之變素問黃帝言壯火散氣少火生氣季春出火貴其新者少火之義也今人一切取之於石其性猛烈而不宜人疾疢之多年壽之減有自來矣

平陽府志稱堯陵在臨汾縣城東七十里俗謂之神林高一百五十尺廣二百餘步旁皆山石惟此地爲平土深丈餘其廟正殿三間廡十間山後有河一道有金泰和二年碑記顧寧人考證堯之巡狩不見經傳而此其國都之地則此陵爲堯陵近理竹書紀年

云帝堯一百年涉于陶今濟陰古陶地也相傳舊有堯城堯嘗所居太史公曰堯作游成陽劉向則曰堯葬濟陰堯之冢定于成陽但堯都平陽相去甚遠耄期之年禪位之後豈復有巡游之事漢去古未遠尙有囚堯偃朱之謬傳難據以爲信也

七十有三載正月朔舜受終于帝始祖之廟以攝位告春秋繁露舜形體大上而圓首長於天文純於孝思初家於冀夙喪其母年二十以孝友聞四海歷陽之耕侵畔乃往耕焉田父推畔爭以督亢授濩澤之

晉乘蒐略

卷之一

三

漁爭坻乃往漁焉鮫人翼長爭以深潭與東人之陶苦窳陶于河濱期年而器以利牧羊潢陽而獲玉歷於河巖所至嚮合當其田也早則爲耕者鑿隕險則爲畝者表虎與四海俱利是故光如日月而天下歸之灰於常羊什器於壽邱就時負夏未嘗暫息頓邱買貴於是販於頓邱傳虛賣賤於是債於傳虛以均救之編蒲結罟躬耕處苦而民從之一徙成邑再徙成都三徙成國小大說之帝歷試諸艱致以昭華之玉而禮焉假於文祖都於蒲以土承火色尙赤立七

廟水陸修潔致敬於鬼神興韶於大麓之野

舜典肇十有二州分冀州之北爲并州并北有代朔  
今忻代以北至塞外之地皆是也然益稷之書謂弼  
成五服至于五千則冀方之北不應僅數百里志言  
冀州以南歷洪水之變夏后始制城郭其人士著而  
居并州以北勁風多寒隨陽遷徙歲無寧居曠土萬  
里其說當有所本

七十有七載巡狩史記五帝本紀舜十一月朔巡狩  
至于北岳恒山如西禮諸侯見於方岳之下并州山

晉乘蒐略

卷之一

三

鎮曰恒山爾雅恒山爲北嶽張嘉貞北嶽恒山碑略  
五精同朗辰爲水其味鹹五鎮俱清恒爲冬其音羽  
大哉茲嶽殊於衆山其頂也上扶乾門黑帝之宮觀  
其足也下捺坤軸元神之都府豈止劈冀魏截幽燕  
拒洪河撐大海頽洞合沓半天下之襟帶嵯峨巉巖  
一字內之標格者也楊述程登恒山記自州南行十  
里許至磁窑口兩岸峭削如門大類劍閣諸峽泉流  
峽中澎湃奔瀉如建瓴北爲神川此處山光嵐色皆  
莽蒼葱鬱不似北方景川之東鑿石壘土草橋木橙

又大類連雲諸棧上有石窟猶餘橫木數千蠡剝欲  
盡傳者以爲宋初把守三關處也太原府舊志舜山  
在代州南十五里上有舜祠相傳舜時巡北嶽還駐  
蹕於此因爲立廟歲祀不廢前人代州舜廟詩虞帝  
時巡北嶽還翠華南駐雁門山千秋玉殿臨邊起萬  
里龍髯出塞攀亦可爲詩史

馮衍賦云皐陶釣於雷澤兮賴虞舜而後親王伯厚  
未詳所出引墨子尚賢篇舜漁雷澤堯得之濩澤之  
陽蔡仲墨云中條山之下有水曰雷澤卽濩澤也洪

晉乘蒐畧

卷之一

三

洞縣志皐陶墓在縣南皐陶村東北祝灝虞士師廟  
記略洪洞縣南去城十三里官道之東虞士師皐陶  
墓在焉道西原上乃其祠也地可百弓坦平高爽面  
離闢戶繚以周垣祠屋三楹制皆粗儉舉其地里祠  
墓一以皐陶名冢廟記皐陶墓在縣南三十里皐陶  
村有古碑二墓前石虎尚存嚮子禹治天下得皐陶  
爲之輔以佐其身而天下治皐陶隱於中條山舜舉  
之得舜而親也始佐禹治水禹至攝位止讓皐陶孟  
子溯道統亦曰禹皐陶金履祥謂皐陶之學極純粹

禹明德之遠而子輿氏引臯陶與禹並舉獨得危微  
精一之傳史叙其事作臯陶謨史記臯陶爲大理平  
民各伏得其實鄭樵通志帝舜命臯陶爲夏籥九成  
嘉其成功也路史臯陶爲士以五服三次五宅三居  
之法正五刑以消寇賊奸宄陳九德之序以刑輔饗  
是故畫衣異服而姦不犯其醇又云臯陶初漁於雷  
澤虞帝求旃以爲士師一振褐而不仁者遠乃立犴  
獄造科律聽獄執中而天下無寃封之於臯卒年百  
有六羅平云臯陶當高辛之末事唐虞及禹受禪從  
晉乘蒐略

卷之一

善

而遜之則年百有六七十矣臯陶洞徹於天人之大  
原知人安民四方風動佐治由虞及夏不出蒲坂安  
邑之間没而葬於洪洞以臯陶名村而廟祀之後封  
其裔於六蓼至六蓼不祀而平蒲之民不忘德之感  
人深矣子三長伯翳次仲甄次伯偃伯翳受封於費  
稱大費與禹平水土告厥成功禹曰非予能成亦大  
費爲輔帝舜曰咨爾費贊禹功其賜爾阜游爾後嗣  
將大出乃妻以姚姓之玉女費拜受佐舜訓調鳥獸  
多馴服賜姓嬴氏翳子三曰大廉曰若水曰恩成

有虞氏定八伯之樂羲伯中祀大交霍山貢夏伯羲伯之樂和伯冬祀幽都宏山貢冬伯和伯之樂大茂山殿碑云舜皇巡狩詣此山谷正擬登祀值大雪弗能進而遙祝之劉因北岳詩大茂元都闕幽并未了青幽都宏山當卽大茂之元都也

史記益主虞山澤辟路史伯益之字墮鼓居高陽子族之三爲唐澤虞佐禹治水周行天下山川理脉土地所宜風氣所生畢究其政跂走蜚動蟲魚疏爲岳瀆山海二經今平陽府太平縣治北一里有伯益碑

晉乘蒐略

卷之一

三五

再北二里有伯益廟東北三十里伯益圍有伯益墳尸祝久不廢路史辨伯鬻出於少昊伯益出於高陽益在虞時帝曰疇若予上下草木鳥獸僉曰益哉帝曰俞咨益汝作朕虞嘗告舜儆戒無虞要之以無怠無荒禹薦於天以功封於梁年過二百

魏土地記平陽地東汾水原上有堯廟今堯廟鎮前有堯井寒泉霽沸爲亭覆之傳爲堯時所築臨汾縣志縣東郭行里帝堯陵又謂之神臨漢志堯陵在濟陰明於東平州以堯陵聞堯在位九十八年年百有

十六歲日知錄云稽之載籍墨子云堯北教乎八狄道死葬蛩山之陰此戰國時人之說也自此以後呂氏春秋則曰堯葬于穀林太史公則曰堯作游成陽劉向則曰堯葬濟陰竹書紀年則曰帝堯八十九年作游宮於陶而帝在耄期恐亦同蒼梧之傳疑也

世紀伯禹夏后氏妣姓名禹一曰伯禹是爲文命其先出於高陽高陽生駱明駱明生白馬生是爲伯翳字熙汶山廣柔人封崇伯納有莘氏曰志是爲修己年壯不字獲若后於石紐服之而孕歲有二月以六

晉乘蒐略

卷之一

三

月六日屠醜而生禹於犛道之石紐鄉所謂劊兒坪者長于西羌身長九尺有只虎鼻河目齟齒鳥喙聲爲律身爲度其德不違其仁可親師於大成摯暨墨如子高學於西王悝實懋聖德夢自滯於河西四岳舉之舜進之拜治水土爵司空乃度人徒以傳土勞身焦思周行天下主名山川以利於民山川胙理土地所宜風氣所生畢究其政功之所施名川三百支流三千明德遠矣事詳載經傳史志茲不贅述爰徵紀聞夔人在漢爲犍爲郡蓋南詔東鄙也漢地理志

犍爲郡在益州

七十有八載神龜出於洛禹治水時有神龜負文而出列於背有數自一至九禹因而第之以成九類蔡沈書傳戴九履一左三右七二四爲背六八爲足此洛書之數也真德秀曰禹平水患天乃以神龜負數與之聖人心與天通見其數而知其理次爲九疇胡氏言天乃錫禹洪範九疇皇極居五以一御八居中制外亦一中而已禹因而順之無陽失陰盛之愆所以各得其性也其數連比對待縱橫錯綜左右回環

晉乘蒐略

卷之一

美

而樞紐斡運於中是亦自然之序林氏以爲洛出書之說不可深信易曰河出圖洛出書聖人則之洛書乃天下之至理禹自有可得之道何疑焉

八十載禹治水成功始冀州次兗次青次徐次揚次荆次豫次梁次雍通九川度九山陂九澤任土作貢弼成五服功于是成禹治水始冀州周職方冀州浸汾潞汾源出管涔山東流至太原縣折而西經清源交城文水東南及祁縣西南境歷平遙西及汾州府東又南經孝義介休靈石霍山之西歷汾西縣東及

趙城洪洞之西至平陽堯所都也由府城西及襄陵  
太平之東又南經曲沃折而西經絳州南西歷稷山  
河津南至滎河北入於大河洪水方割時壅汾水不  
得出震及帝都繇極意崇防因汾治汾而不計汾之  
不下洩如醫之就病治病而不問病所起之源也寔  
字記禹治水至龍門巡繞四山龍門一洩而河汾安  
流嵐石晉絳以下諸水滔滔西流開其源也河道開  
斯汾水可受禹急河之大而汾治繇急汾之小而河  
不治胡士行謂繇有治水之才無行水之智洪範曰

晉乘蒐略

卷之一

毛

堙以物堵之也祭法曰障以人捍之也朱子言河北  
見繇隄無禹隄雲中之境繇隄纍纍所在崇防束水  
於兩崖間使汗漫不得順下不獨障汾而實障河矣  
八十有一載分十二州析冀州北爲并州并州始置  
於此分冀北之境大抵恒山以旁之郡也周禮正北  
曰并州其鎮曰恒山春秋元命苞曰營室流爲并州  
分爲衛國夫不以衛水恒山爲號而曰并者蓋以在  
兩谷之間也漢地理志并州所屬十郡雲中定襄五  
原代雁門已居其五西河朔方乃武帝新置之都而

朔方漢末後置五原則又得其六矣遠於是者南不  
過上黨太原西不過上郡而已故曰并州大抵恒山  
以旁之郡也然太原控帶山河踞中原之肩背爲河  
東之根本曹孟德據其地引五部入內以威令諸侯  
劉淵之竊據卽起於此恒旁一郡而操天下勝勢自  
古重之矣

方輿紀要山西古冀州舜分置北地爲并州太原古  
并州也成王封叔虞於唐此爲晉地天文昂畢參井  
分野東據太行爲天下之脊中分河東河北之境自

晉乘蒐略

卷之一

三

澤潞以北達於太行之東境皆太行也南通懷孟自  
懷孟西指洛陽東指汴梁懷孟者中原之腰膂也西  
薄於河河自塞外東北流至廢東勝州西北折而南  
凡千七百里至蒲州河津縣之龍門山又南歷雷首  
山折而東河之南卽華陰也又東至垣曲縣之王屋  
山南入河南懷慶府境北邊沙漠自大同以北去沙  
漠七百餘里分列戍守故并晉西北之阨塞中外之  
樞要也

禹貢導河積石至於龍門元和志黃河去河津縣二

十五里卽龍門口禹鑿通黃河處高七百丈周二十里龍門山西與韓城縣梁山並峙壁立中通河流形如門闕鑄跡宛然水經河水又南至礪谷旁又南洛水自獵山枝分東派東南注于河又南出龍門口汾水從東來注之河津縣志自鄉寧縣東南至龍門爲禹門渡卽後周所置龍門關也又折而西南至縣西南三十里爲陶家營渡又五里爲雙營渡又十五里爲夾甸渡新莊渡皆可通韓城縣呂柟龍門記略望河樓卽谷泉子所謂吞吐雲雷樓也樓在龍門左

晉乘蒐略

卷之一

五

闌之上蓋梁山中斷而東峙者也樓外俯黃流凌白雲孤山直對而雷首中條渺渺冥冥乍見乍沒蹴磴而下至流丹亭亭北倚石崖其南半懸中流下亭就河壩西山東轉北遮河流佇灘環望四面皆山中如院落其前則兩山拱峙自窟穴而出故曰龍門云枚乘七發龍門之桐高百尺而無枝上有千仞之峯下臨百尺之谿所謂江海大魚集龍門下不得上曝腮於此者也

禹貢恒衛旣從地理志云恒水出常山上曲陽縣東

入澗水衛水出常山靈壽縣東入滹沱胡朏明謂恒  
卽澗水衛卽滹沱古今異名周禮職方氏并州山鎮  
曰恒山其川虜池嘔夷嘔夷卽後世所謂澗水也山  
海經曰高是之山澗水出焉東流注于河漢志代郡  
靈邱縣下云澗河東至文安入大河過郡五行九百  
四十里并州川禮記晉人將有事于河必先有事於  
惡池注云惡當作虜字誤也山海經曰士戲之山滹  
沱之水出焉戰國策蘇秦說燕曰南有滹沱易水漢  
志代郡鹵城縣下云虜池河東至參合入滹沱別并

晉乘蒐略

卷之一

四

州川從河東至文安入海過郡六行千三百七十里  
此卽禹貢之恒衛也水經注澗水出代郡靈邱縣西  
北高氏山卽嘔夷之水也今渾源靈邱廣昌曲陽唐  
縣定州慶都祁州博野蠡縣高陽安州新安任邱文  
安諸州縣界中皆古澗水之所行也元和志滹沱水  
出代州繁峙縣泰戲山流經繁峙代州崞縣忻州定  
襄五臺孟縣靈壽真定高陽任邱大城文安諸州縣  
界中皆古滹沱水之所行也澗水自何承矩興塘灤  
以限契丹戎馬之足于是始引水歸北而文安之瀆

遂空滹沱水自塘灤旣興引水歸北遂以樂成之滹沱別水爲滹沱之正流而故道不可復問滹沱在河北羣川中溢決尤甚而從冀州決入漳亦猶黃河之與淮合均爲古今水道之極變而溯禹行水故道恒衛旣從太原以北之水無不治矣

禹貢覃懷底績至于衡漳按此卽沁漳同入于河而太原以南之水皆治也唐六典河東道大川曰沁水源出沁州沁源縣西北百里之綿山東谷西南流經

平陽府岳陽縣東入河南懷慶府界歷濟源縣東北

晉乘蒐略

卷之一

望

又南經府城北又東南經武陟縣東修武縣西而入于大河司馬孚言沁水源出銅鞮山屈曲周迴水道九百里天時霖雨每致泛濫請蓄洩以時至是覃懷底績沁入河水流歸海河東之大川亦治漳水東注于河有清濁之分濁漳出山西長子縣發鳩山東流經長治縣西又東北經屯留潞城襄垣黎城平順又東經河南林縣至涉縣東南清漳水注之清漳出山西樂平縣沾嶺南流經和順遼州黎城又東經河南林縣至涉縣與濁漳合流東經安陽臨漳又東北經

直隸城安縣入肥鄉曲周二縣界大河北流漳水東流注之地形南北爲從東西爲橫河北流而漳東流河從而漳橫故曰衡漳禹治冀至此太原衡漳之南河之北西河之東東河之西無不治矣

司馬相如追溯禹功爲辭云夏后氏堙洪源灑沉澹菑東歸於海身親其勞躬餓胼胝無腓膚不生毛按禹決川距海當斯之勤心煩於慮躬餓無腓猶莊子言腓無腓脛無毛也積勞於外水行陸行泥行山行之舟車輻輳無不備風寒暑濕霧雨雪霜瘴厲之無晉乘蒐略

卷之一

望

不親非無險阻愕眙卒以焦心殫力轉敗爲功底於成河防當吃緊之時安危利害轉於須臾非身臨其地心眼俱到曷保無虞當事者安居廣廈畏寒避暘黃水漫槽上灘平槽半槽提坐屢易其故多出上原身歷其間阻於明灘淺水至崖而返殊不思前聖歷辛嘗苦出險濟屯之成績俱從艱難中來不可以安坐治事也

尙書洪範箕子乃言曰鯀陘洪水汨陳其五行天乃錫禹洪範九疇彝倫攸敘漢志云禹治洪水錫洛書

法而陳之順天而得其理也。鯀堙洪水，逆理而天不順也。水性就下，鯀反塞之，水失其性，水堙而五行皆汨。禹順水之性，地平天成，得陰陽相協之妙，使物各止於其所，彝倫所以敘也。在天惟五行，五氣運行於三才，萬物之間質具於地，氣行於天，以氣而語其行之序，則曰木火土金水。陳大猷言百物之生，其始皆爲水，其終皆爲土，相生之義也。天一生水，水堙而木不敷，火不爰土，不化金不斂，故禹治水告成功，首列其事曰敷土，水平土得草木茂禽獸伏，藝穀品金相

晉乘蒐略

卷之一

望

因而至也。通於人事而有五事，五紀八政三德之用，稽疑庶徵，福極之應，陽失而填陰，原必塞，陰盛而陽虛，水必溢，職河防者審人事之通塞，驗天心之順逆，凜當體之休咎，綢繆於未事之前，敬慎於當事之時，警惕於既事之後，而水自順，治水性順則人心順而天心亦順矣。

史記鯀治水九年無功，舉鯀子禹使續鯀之業，禹遂與益后稷奉帝命，興人徒以敷土，行山表木，定高山大川，按方僉之，舉鯀也。方命圯族如神之智，已知。

之遲之又久而試可者何也蓋是時鯀習于水諸臣  
未有習水如鯀者故試其可以治水而始使之也帝  
之弗岳之異遣往而命之以元首之明股肱之良水  
土之平已盡于欽哉一言而鯀不能用也違棄帝命  
功既有緒自任益專拂戾衆議訖潰于成勞天下之  
民力墮高埤庠及至潰決爲患滋深至禹治之行所  
無事而功成蓋鯀與水爭地者也禹以地讓水者也  
事本相反而禹卒能修鯀之功方泛濫時多爲堤防  
以堙之水性逆故患不息至水由地中行而鯀所爲  
隄防以障水者皆可用之以輔水轉敗爲成而所以  
成敗之原不獨於此也鯀績之敗以方命禹功之成  
以不矜新書云禹謂民無食也則我不能使也功成  
而不利於民我弗能勸也別河而導九岐鑿江而導  
九路澄五湖而定東海民勞矣而弗苦者功成而利  
於民也鯀務崇防而不卹厲民自恃其才不能以虛  
受圯族之吁有自來矣禹惟不自滿假孜孜勤勞其  
始乘四載隨山刊木相度大勢知水患所由起爰暨  
益稷焚山澤導河濟決江淮濬泂治溝洫至人得

平土播奏艱食三聖協心用襄厥成八年而奏績帝曰汝惟不矜天下莫與汝爭能汝惟不伐天下莫與汝爭功濬哲之帝能知之而能用之此明德之所以遠而功施後世續禹之績者師禹之不矜伐毋徒恃其才矣

八十有一載封諸侯錫姓氏封禹于夏錫姓姒氏統領州伯以巡十二部契于商姓氏棄于邵姓姬氏四岳于呂姓姜氏又加賜伯益姓嬴氏是爲秦趙之祖

晉乘蒐略

卷之一

望

張鶴騰曰先民有言地者諸生之根菀水者地之筋脉且材也禹治水自冀始而經畫視諸州獨勞蓋茲土崇山複阜其水枯旱而遠壖墮而雜旱所時有流火千里利水若暘飲焉均程釐弊褚先生論之辨矣獨計地有上下田有遠近而百姓一也勺水澍霖誰不紛然待命勢必先上渠數覆波橫方及下流至則苗稿矣孰若一上一下遞後先陽年先上渠而沿下陰年先下渠而遞上庶灌溉均無不公之嘆血脉旣通地利自溥將人和天助雨暘亦時若矣

帝舜有虞氏姚姓曰重華淮南子舜二瞳子是爲重明其先國虞曰有虞氏初帝至鄧墟有秀士七人不辟而至謂之七友師紀后拜蒲衣親善卷學於務成旣禪詢四岳輯五瑞齊七政命禹爲司空棄爲后稷播百穀契爲司徒敷五教皐陶爲士明五刑垂爲共工益爲虞伯夷爲秩宗后夔典樂龍作納言九官列而天下治復建大學曰上庠小學曰下庠養國老於上庠養庶老於下庠鼓南薰而吾民懷罪四凶而天下服勲華繼照如日中天

晉乘蒐略

卷之一

四

帝舜元載卽位作都蒲坂以土德王色尙赤封堯子朱于丹淵初堯讓天下于虞處子朱于丹淵爲諸侯至是封朱以奉堯祀禮樂如之謂之虞賓示弗臣也地理志蒲坂今平陽府蒲州通鑑輯覽丹淵卽丹水在今南陽府內鄉縣唐元載建中都議河中之地黃河北來太華南倚總水陸之形勝鬱關河之氣色唐山山甫蒲關詩紫烟橫捧大舜廟黃河直打中條山朱子語類河東地形極好堯舜禹故都今河中府是

也左右多山嵩華列其前或問平陽蒲坂自堯舜後何故無人建都曰其地磽瘠不生物人民朴陋儉嗇故惟堯舜能都之

帝舜二載作五絃琴爲南風之歌其詞曰南風之薰兮可以解吾民之愠兮南風之時兮可以阜吾民之財兮蓋爲河東鹽池而作也鹽池圖說中條山有鹽風洞洞口若盆每仲夏應候風出其聲隆隆然俗謂之鹽南風鹽得此風一宿而成夏月驕陽薰蒸南風動盪池底汙泥上結鹽板光澤堅厚形如水晶所謂

晉乘蒐畧

卷之一

畧

南風之薰也風以時至滋生鹽根可勝行立板上水約三寸翻騰浪花落板卽成顆粒古謂之漫生鹽今謂之斗粒鹽更時霖小雨則色愈鮮明宜及時撈採若遇大雨鹽復解散故南風之時可阜財也池在安邑之南解州之東長五十里濶七里周迴百有二十里去平地深數仞如盆底水常停蓄滲漏潤下作鹹宋分東西二塲明增置中塲其地亦分爲三安邑南者爲東池安邑西南路村者爲中池解州東三里者爲西池三塲亦以是爲次夏日鹽南風起鹽花纍纍

湧出爛若春花結成顆鹽秋冬地冷池枯不能生鹽  
間或有之硝鹺相雜味亦不正其西北七里卽女鹽  
池據地高阜其鹽淡或苦不可食時或生硝亦各硝  
池而大小池及靜林諸澗每水溢則奔趨女鹽池爲  
鹽患鹽藉池水而成每因客水而壞故池外有垣垣  
外有塹塹外有堰連環百餘里淳蓄滲洩俾客水不  
入池鹽池北十里姚暹河自夏縣滙衆渠之水入縣  
界注苦池灘鹽池最忌此水溢入則鹽不成宋元符  
崇寧間觀察使王仲先於池東西南三面築七郎等  
晉乘蒐嬰

卷之一

吳

十一堰衛之今環池築欄馬墻又於墻外築禁墻二  
千五百餘堵高二丈一尺所以拒溢水之入也宋史  
食貨志鹽之類有二引池而成者曰顆鹽周官所謂  
鹽鹽也鬻海鬻井鬻鹺而成者末鹽周官所謂散鹽  
也後鹽不生花惟以畦種爲事解州安邑兩池墾地  
爲畦引池水沃之謂之種鹽水耗則鹽成籍民爲畦  
夫官廩給之復其家歲二月一日墾畦四月始種八  
月乃止每歲種鹽千席解池減二十以給軍崔敖曰  
鹽池乃黃河陰潛之功浸淫中條融爲巨浸蓋大河

從西北來至蒲州折而東向轉曲之間漸積蓄滙有  
此奧衍今陝西花馬池亦近黃河折河處也然鹽藉  
主水以生緣客水而敗故治水卽所以治鹽鹽池南  
枕條山雨水易迫然非淵泉所出且橫亘有護寶堤  
爲仞高厚依山有桑園龍王趙家灣大小李西姚諸  
堰縱有飛瀑阻遏猶易北面多曠壤平邱與水阻隔  
故二隅無足爲慮若東西盡處則俱逼禁堰一墻以  
外卽客水所鍾次東禁堰者有壁水月堰及黑龍堰  
次西禁堰者有卓刀七郎硝池堰水從東西自高而  
合河紀聞

卷之一

吳

下禁堰不能受則入池矣黑龍堰之受害原於苦池  
苦池乃姚暹渠蓄而復流之水也渠出自夏縣經巫  
咸谷北合洪洛渠東合李綽渠經苦池而迤邐西向  
自安邑歷解州抵臨晉入五姓湖由蒲州孟盟橋而  
注黃河姚暹渠首及中股皆狹至安邑與李綽洪洛  
之水並注於苦池苦池不能受勢必東北泛溢于黑  
龍入黑龍則壁水小堰月堰不能支而竟衝東禁堰  
矣隋池卽女鹽池也其受害原于涑水涑水在姚暹  
渠北源出自絳縣爲絳水西經聞喜縣爲涑水又西

受稷山孤山峩峩坂諸水經猗氏抵臨晉亦入五姓湖而注黃河涑水中尾多窄至臨晉山溪諸水合注之勢不能受必自西北橫溢破姚暹而奔騰于硝池入硝池則黃牛七郎卓刀不能支而竟衝決西禁堰矣况東北又有湧金泉亦注于黑龍西北又有長樂灘亦注于七郎故築東禁及黑龍築西禁及硝池治其標者也浚姚暹以導苦池濬涑水并歸五姓湖治其本者也緩于南北急於東西先根本而後標末則客水不侵而主水無恙柳宗元晉問猗氏之鹽晉寶

之大者人賴之與穀同化解愠阜財利至今矣

帝王世紀堯都平陽於詩爲唐國故城在臨汾縣南平陽府志帝堯土堦在城南十里淮南子堯身服節儉之行茅茨采椽不剪不斲布衣糲食以風天下唐魏習其化勤儉之風至今猶存然惟儉而中禮儉德乃大凡人皆侈心誤事儉於嗜欲則不貪儉於功名則不矜不伐人心道心由此分通於上下而無間堯之儉如此而其功之大如此德之廣運如此讓天下若釋重負如此陶唐之遺民薰其德而敦本崇實餘

澤孔長矣

五載作九韶樂夔爲樂正正六律和五聲以通八風  
命夔典樂教胄子樂記夔始制樂以賞諸侯劉恕外  
紀重黎舉夔典樂欲益求人帝曰樂天下之情得失  
之節夔能而之以平天下一而足矣于是作箭韶樂  
九成百獸率舞鳳凰來儀

嚴粲言唐魏無淫詩古風猶在周世禕云桑中溱洧  
沃土不材蟋蟀山樞瘠土向義非富不如貧正以逸  
不若勞民勞則思而善心生也劉瑾云唐風首篇必  
晉乘蒐略

卷之一

五

曰蟋蟀在堂而後曰今我不樂則能不遊於逸矣既  
曰今我不樂又曰無已太康則能不淫於樂矣曰職  
思其外則儆戒無虞也曰好樂無荒則無怠無荒也  
以詩人之勤儉其所憂思雖無唐虞君臣之德業而  
詩詞多與伯益告戒之旨同信乎前聖遺風之遠也  
高朝瓊云首蟋蟀知唐之所以興終采芡知唐之所  
以替蓋民生在勤勤則不匱而禮義由之以生民逸  
則淫淫則忘善而惡心生是非變亂於讒人之口而  
上下不能安其位當唐之末造從沃從鵠亦不能無

害於人之爲言矣

燕間錄禹貢八州皆有貢物冀州獨無之冀北并州  
土瘠天寒生物鮮少自古而然詩云好樂無荒良士  
瞿瞿朱子以爲唐魏勤儉土風固然實地本瘠寒以  
人事補其不足耳堯時重用民力每州必記入河之  
水俾貢道利運而不擾加以國用簡省賦取足於王  
畿不專事漕涉三門底柱之險躬行節儉以率下故  
處瘠寒之地用常足而不爲民累冀三面距河入都  
貢賦必記其入河之水重民力也民亦服化職思其  
所居之事而應乎上舜都蒲坂禹都安邑皆因之此  
君民一體勤儉之所由來也

晉乘蒐畧

卷之一

五

通鑑輯覽舜之先國於虞母握登有大虹之感生舜  
於姚墟後居瀉汭括地志故虞城在河北縣虞山之  
上酈道元云堯以女嬪於虞之地也北河故城在今  
平陸縣輯覽注姚墟在今蒲州府永濟縣瀉汭二水  
名在永濟縣首陽山下南曰瀉北曰汭蒲州府志州  
北二十里舜原虞舜所生之地水經注輪橋東北有  
虞原上道東有虞城堯妻舜以嬪於虞者也太原地

記所謂北虞也通鑑注舜都蒲坂在今蒲州府永濟縣亦曰虞都城

禹貢既修太原注修鯀舊功也陳氏櫟謂修鯀之功曰修修太原導汾水也汾水經帝都黃水壅遏不得下積而爲患鯀爲之防而亟治之所謂取息壤以墮洪水也茅瑞徵言鯀於堯都極意崇防尚有遺蹟水流而防止水盈則漫防高而水壅風激則崩禹先疏而後防至河流下洩然後修鯀舊蹟因而善用之鯀所用以障水者轉可用以輔水異用同歸故曰修鯀

晉乘蒐畧

卷之一

五

之功禹貢敘修太原於載壺口之後壺口啟而後太原可修也始於疏而成於防斯爲幹蠱不可盡以鯀堙洪水而概之也東坡言禹治水決大河而放之海方其功未成時亦有潰冒衝突可畏之患非先事大爲之防順其條理猝引洪流就下鮮有不潰冒衝突者禹能修鯀之功原無事盡墮息壤未嘗不因而損益之也若動引弗成之績謂治水有決河深川無隄防壅塞之文九澤既陂之謂何陂卽防也顧寧人謂伊耆始爲蜡有曰防者後世隄防之始防固堯之法

使非堯法則試可之命不終日而禩矣寧俟九年故堯之防鯀之障禹之陂所以成疏之功者益夔稷契諸聖人論之詳矣又云鯀於冀作三仞之城今雲中之境鯀隄纍纍防脊以西之水也孔子曰大防水之所止也以舊防爲無用而去之者必有水敗漢賈讓謂隄防起於戰國使由其言撤止水之防禹之疏者皆塞亦未深思修太原之義矣

舜十有四載景星出卿雲興百工相和而歌帝乃倡之曰卿雲爛兮糺縵縵兮日月光華旦復旦兮八伯晉乘蒐略

卷之一

晉

進稽首曰明明上天爛然星陳日月光華宏於一人十有五載帝載歌曰日月有常星辰有行四時順經萬姓允誠於予論樂配天之靈遷於賢善莫不咸聽龔乎鼓之軒乎舞之菁華已竭褰裳去之

史記垂主工師百工致功路史垂爲宗工辨材楛利器用於是百姓作削鑠修之迹流髹其上輪之宮寢羅萃云共工司空之職使之代禹垂有創物之巧舉極其精故竹矢猶爲後世寶史記伯夷爲秩宗能禮於神以事堯惟寅惟清以接幽元上下皆讓以龍主

賓客遠人至十二牧行而九州莫敢辟違惟禹之功  
爲大禹乃興九招之樂致異物鳳凰來翔天下明德  
皆自虞帝始劉向列仙傳赤松子輿在堯舜時作木  
工或云卽垂也

堯時洪水之患并晉爲甚堯典敘其浩蕩之形曰懷  
山曰襄陵曰滔天蓋伏秋時百川灌河水降洞無涯  
形容方割時之勢非終歲在巨浸中所云皆冀州一  
方之形也前編曰洪水滔天當時方言形容其勢耳  
其變多在水潦旣降之後秋水盛漲之時禹之疏鑿

晉乘蒐略

卷之一

五

則在水泉縮退霜降水涸之日其理固如此河經嵐  
石隰慈絳蒲六州之境千五百餘里東兩崖間水盛  
大時下流宣洩不暢壅而爲患漫衍川谷故有浩浩  
之勢霜降後水落人力可施然後疏鑿今河工堵築  
事宜水決漫溢一望皆成湖蕩凡凹凸處皆爲水占  
必俟歸槽後方施疏治否亦須開渠引水別出始可  
下畚插此定法也神禹治水不能於水中施工淮南  
子禹身執蘖幽以爲民先剔河而道九岐於霜降水  
落之時相地之宜濬之以利其流順水之性分之以

殺其勢所謂行所無事也

周禮職方冀州其山鎮曰霍山禹貢至於岳陽汾水經太岳之陽卽霍山也山在霍州東三十里屹然中立與太行接壤屏列作鎮中邦山高百餘丈長八十里周二百餘里其南趨城北跨靈石東界沁源古冀州鎮今爲中鎮霍岳圖考冀域亢邈霍岳隆峻觀絕峯尤絕特喬宇霍山記略由峪口入至中鎮其形勢皆本山分脉合抱繞於前廟在山麓古松數株如青幢鐵幹枝皆東向明徐程祭中鎮詩天開地闢分鴻

晉乘蒐畧

卷之一

美

濛茲山作鎮居土中巍然自是羣岳宗崑崙北來勢杳窮太行西下趨關東龍翔鳳翥千萬重維霍峻峙何其雄紛紛培塿俱相從北爲并冀南華嵩扶輿磴礪臨堯封聖人御宇熙天工民物安阜際時雍奉琮函香祀靈宮神庥昭於天聽聰禮成燕享情融融五風十雨昭神功

寰宇通志李永山川記云汾陽縣萬戶山爲縣鎮堯時洪水衆山皆沒惟此山不沒所濟者萬戶故名萬戶山山在縣西二十里其巔平坦可居萬戶堯時龍

門未闢上流之水無所洩壅而四出伏秋水盛時黃水大溢壅遏汾水及諸山泉河之水不下洩愈積愈高至於滅頂理勢所必至也汾陽受汾源出山之水加以黃流頂阻故衆山皆沒萬戶山頂平可居得免陷溺非傳言之訛也

書言洪水懷山襄陵此冀州一方之形也冀州西境潁河河經嵐石隰慈絳蒲六州境內本境出山之水悉由川谷注於河汾水亦出其間民人市廛廬舍田牧多在川谷平衍處龍門未洩下流壅遏黃水積高晉乘蒐畧

卷之一

五

內灌汾河及南北諸水不得外洩大溢逆行川原滅沒水在山半曰懷懷山如在懷也水與陵齊曰襄襄陵平其陵也山谷之民焉得不巢居窟處冀北立土可爲窰卽營窟之謂堯都平陽河挾汾爲患近在庭戶故曰警予也合河居龍門上游本境南北三大川北曰嵐漪南曰南川中曰蔚汾同入於河河盛漲則川水壅遏不洩古今勢畧相等諺云黃水包天猶古語也朱子語錄龍門未鑿時正道不洩一派滾入關西一派滾入河東河之上游爲患尤烈迥異於豫克

諸州也

舜三十有二載命禹攝位禹讓於臯陶帝曰惟汝諧命之曰人心惟危道心惟微惟精惟一允執厥中禹受命於堯之廟率百官如帝之初

史記舜飭下二女於媯汭括地志瀉源汭水出蒲州河東南山舜居媯水之汭許慎云水涯曰汭方輿紀要媯汭水在州南百里歷山下中有二泉名媯汭東西相距二里南流爲媯北流爲汭卽堯降二女處史記舜居媯汭內行彌謹堯二女承事舜於畎畝之中

晉乘蒐略

卷之一

五

不敢以貴驕盈事舜親戚甚有婦道府志蒲坂城外有二妃壇祀娥皇女英今名娥英陵在蒼谷山上水經注禹貢雷首臨大河蔡仲墨云蒲坂東中條山是也中條山西起雷首東直吳坂長數百里隨地異名一曰雷首山一曰歷山一曰首山唐書地理志河東縣有歷山水經注蒲坂縣有歷山謂之歷觀舜所耕處也上有舜廟揚雄河東賦登歷觀而遊望兮喜虞氏之所耕非吳越間名柞爲樾之歷山也雷首山下有水曰雷澤卽舜所漁之地雷首之澤隨地各易

其名皆在陽城縣西北異名同源也蒲州北三十里曰陶城今名陶邑鄉水經注舜陶河濱皇甫士安以爲定陶陶城在蒲坂城北不必定陶始得爲陶也

史記舜冀州人也耕歷山漁雷澤陶河濱今其地皆在中條山下中條山居嵩華之中當黃河之曲山川風氣所聚也舜耕歷山而歲熟漁雷澤而瀆鑿陶河濱而器牢御事周知其理精神無空闕處耕則田者讓畔漁則釣者讓長陶則器不苦窳所遇樂與之同度量無隔碍處聖人人倫之至惟舜能行之惟堯能

晉乘蒐略

卷之一

堯

知之誠貫於中無逆不順無變不常克諧以孝而天下化無不可處之事無不可格之人不然以如天如神之帝聖遽以觀刑媯汭舉天下而傳之若釋重負哉絕大事業極奇遇合不出深山中矣

通志高辛氏裔子伯奮仲堪叔獻季仲伯虎仲熊叔豹季狸世稱八元舜舉爲佐季文子曰忠肅恭懿宣慈和惠天下之民謂之八元世濟其美不隕其名以至於堯堯不能舉舜臣堯舉之使布五教於四方父義母慈兄友弟恭子孝內平外成杜預云八元卽稷

契朱虎熊羆之倫高陽氏裔子蒼舒墮鼓禱戲大臨  
虜降庭堅仲容叔達世稱八凱舜舉之爲佐季文子  
曰齊聖廣淵明允篤誠天下之民謂之八凱世濟其  
美不隕其名以至於堯堯不能舉舜臣堯舉八凱使  
主后土以揆百事莫不時序地平天成杜預云八凱  
卽垂益臯陶之倫庭堅卽臯陶字路史載元愷名氏  
與此互有異同

禹貢導山壺口雷首至於太岳底柱析城至於王屋  
太行恒山至於碣石此皆大河以北之山并晉之界  
晉乘蒐略

卷之一

六

疆也河北諸山皆自代北寰武嵐憲諸州乘高而來  
其脊以西之水則西流以入龍門西河之上流其脊  
以東之水則東流爲桑乾滹沱清濁二漳之水其西  
一支爲壺口太岳次一支包汾晉之源南出爲析城  
王屋又西折爲雷首昔人謂天臺王屋之山皆自靜  
樂之寧化山發脉而來卽謂此也恒山爲北岳東出  
一支連絡太行南下西折直至天臺王屋包絡西北  
諸山其間并代汾晉遼沁潞澤諸川之水分流會合  
當洪水爲害時凡故川舊瀆皆爲水所浸滅不復可

見冀并山水之會先卽高山鉅鎮不爲水所墊沒者  
以爲表然後自西決之使歸於東順流而下則川瀆  
之故迹可尋此濬川必先隨山而禹之首事於龍門  
也壺口雷首太岳冀州西河之山底柱析城王屋冀  
州南河之山太行恒山冀州東河之山其自西北而  
東南者地勢有高卑山勢有經緯水勢有源流曰載  
曰治曰修皆不能無所事必順之使就下而後平陽  
之帝都可安也水經注汾與平水合出平陽西壺口  
山在吉州西南五十里地理今釋雷首山西起雷  
首東至吳坂長數百里隨地異各大岳山周三百餘  
里古冀州鎮今爲中鎮續停驂錄嵩山爲中嶽霍山  
爲中鎮南北對峙而黃河界之平陸縣志底柱石在  
縣東五十里大河中流其形如柱地理今釋析城山  
在今陽城縣西南七十里山峯四面如城王屋在河  
東故垣縣東北今絳州垣曲縣及陽城界山有三重  
其狀如屋爾雅註北岳恒山在渾源州南二十里地  
理今釋太行山東南圍繞山西與直隸河南分界前  
明一統志堯城鎮在清源縣東南三十里相傳陶唐

氏自涿鹿居此今其地有帝堯廟俗謂之姚城亦曰  
陶唐城綱鑑註今太原府清源縣東南有陶唐城按  
清源縣本晉梗陽邑後魏爲晉陽地隋初始分晉陽  
地置縣於梗陽故城後復省入晉陽唐初復置是清  
源卽古晉陽故地堯始都晉陽清源在帝都之內非  
有異也

稷山縣志縣南五十里稷王山一名稷神山后稷始  
教稼穡地也跨聞喜安邑萬泉夏縣界呂氏春秋后  
稷曰子能使用子之野盡爲冷風乎六尺之耜所以成

晉乘蒐畧

卷之一

三

畝也其博八寸所以成畊也耨柄尺此其度也其耨  
六寸所以間稼也前漢食貨志后稷始畊田以二耜  
爲耦廣尺深尺田畊新語云民知室居食穀而未知  
功力后稷爲大田師乃列封疆盡畦界以分土之所  
宜闢土殖穀以用養民種桑麻致絲枲以蔽形體淮  
南子堯導民利陸處者農陵坂耕田以所有易所無  
稷承帝命播奏庶艱食鮮食懋遷有無化居烝民乃  
粒按史記周本紀稷在陶唐虞夏之際皆有令德教  
民種樹物土之宜因地也二耜爲耦因人也冷風宜

禾因時也懋遷化居因物也穀賤妨農易所有於所  
無通變宜民地宜其事事宜其時物宜其用用宜其  
人功成於堯時教始於稷山尊之爲王敬之爲神以  
名其山反本道古不忘其初稷以名官五穀之長也  
縣以稷名始教之地也水經注汾水經稷山北山上  
有稷祠山下有稷亭縣西稷王城在下廸村故址尚  
存安邑縣志后稷廟在縣西北原王莊萬泉縣志縣  
東三十里稷王山稷教稼於此山巔有后稷廟聞喜  
縣城北關外后稷廟有唐周曇詩云人惟邦本本由  
晉乘蒐畧

卷之一

壹

農曠古誰高后稷功百穀且繁三曜在牲牢郊祀信  
無窮

皇輿全覽絳縣南三十里鳳凰山上有姜嫄祠墓在  
祠旁金王藻碑記尚存史記姜嫄爲帝嚳元妃出野  
踐巨人跡心動居期而生后稷古者立郊禘以元鳥  
至日祀之姜嫄祀郊禘履武敏而歆天所命也書傳  
引張子言天地之始未嘗先有人也人固有化而生  
者天地之氣生之也凡物異於常物者取天地之氣  
多所生或異麒麟之生異於犬羊蛟龍之生異於魚

鼈神人之生異於常人無足異者絳與稷比鄰沒而葬於絳民懷其德而廟祀與明黃維翰詩荒林有廟巢烏鵲粒食何人闢草萊

堯舜時並建要荒以爲藩西北之地極廣三代以后漸淪於外大同之地古雲中九原定襄代郡趙秦漢之所置也趙并伐以有代斥胡以有雲中九原而置郡則皆于赧王之十五年于是秦因之爲三郡漢增置定襄爲四郡夫秦漢時天下不過三十餘郡而此地據其四則夫西北之陬豈止是哉故嘗曰三代以

晉乘蒐略

卷之一

畜

來東南之地漸闢而西北之地漸淪固理勢之自然也今以其故城測之則雲中在勝州榆林五原卽廢豐州代爲蔚廢城定襄在今府城西北皆非今府城也以其屬考之則雲中有咸陽陶林沙南北輿之屬九原有臨沃文國武都曼柏之屬定襄有成樂桐過襄陰復陶之屬代郡有高柳鹵城班氏平邑之屬皆非今所屬也然則今大同者雲中之東境定襄之南境代郡之北境而九原之南鄰也是故合其全則四郡不得不紀指其實則代南境爲太原雲中定襄西

北境與九原舉在塞外矣

史記帝舜三十九年南巡狩崩於蒼梧之野葬於江南九嶷路史鳴條在河中府安邑有舜墓蒼梧之葬漢儒所傳非其實也安邑縣志虞舜陵在陽包村北鳴條岡南高三尺甃以甃廣四十餘步古柏皆大十圍舜葬於此上有舜祠昔元結嘗疑九嶷深險舜年百有十歲何爲來此司馬光亦云舜旣倦勤薦禹爲天子豈復南巡遠渡湘水孟子謂舜卒於鳴條孔安國注安邑縣北三十里高埃原與夏縣接界曰鳴條

晉乘蒐畧

卷之一

壹

岡先儒謂漢人附會傳疑未可徵信自以子輿氏卒於鳴條爲確據顧寧人辨正舜冢在安邑鳴條陌之陽以証漢儒蒼梧之誣舜卒鳴條去所都蒲坂七十里帝紀亦云河中府有舜塚李太白遠別離詩寓言皇英二女末云帝子泣兮綠雲間隨風波兮去無還痛哭兮遠望見蒼梧之深山蒼梧山深湘水絕竹上之淚乃可滅特藉以發抒忠愛之忱非竟謂淚灑湘竹實有其事也張文潛詩曰重瞳步方時二妃蓋老人安肯泣路旁洒淚留叢筠觀此可釋疑

郡國書曰子輿氏言舜生於諸馮卽春秋之諸浮遷於負夏在衛地卒於鳴條在河中安邑諸馮負夏鳴條皆在河南北冀州之地虞帝墓在安邑安邑有鳴條陌帝紀言河中有舜冢信矣而竹書郡國志等皆言帝葬蒼梧則自漢失之至鄭康成遂以鳴條爲蠻夷之地伊訓言亳鳴條三黜豈得越在南夷蒼梧非五服在虞夏乃無人之境非巡狩所至方堯老舜攝有事巡狩至耄期倦勤形神告勞釋負而付禹則巡狩之事禹爲之矣豈復躬親於要荒之外是以劉知

晉乘蒐略

卷之一

五

幾之徒得以撫厲王流筦楚帝遷邨夏桀趙嘉之事而疑舜禹之明德嘗考象封有鼻在今道州故墓在於始興幽明錄云始興有鼻天子冢世紀云舜三妃娥皇無子女英生商均均封於商女英隨子均徙於封所而死葬焉故女英之冢在商其餘支庶或封巴陵或食上虞西城池陽與夫懷戎衡山長沙無錫故其墓或在江華或在巴陵上虞禹爲天子帝之諸子分適他國巴陵者登北氏蓋從之故其墓在於巴陵卽黃陵也登北氏舜之第三妃漢志娥皇葬於陳倉

女英葬商則黃陵爲登北之墓審矣舜之二女一曰  
霄明一曰燭光登北氏之所生登北氏從徙巴陵則  
其二女理應在焉故得爲湘之神而光照於百里是  
皆可得而考者胡得稱爲堯之二女乎虞帝之墳在  
在有之古聖王久於其位恩流澤普殊方異域無不  
爲墳土以致其哀敬顓譽堯湯之墓傳皆數出漢郡  
國皆起國廟惠帝令郡國諸侯王立高廟亦猶是也  
是則九疑之陵或弟象之國所崇封爾不然商均窆  
也大荒南經云赤水之東蒼梧之野舜子叔均之所  
晉乘蒐略

卷之一

七

葬也而九疑山記亦謂商均窆其陰是非商均徙此  
因葬之後世遂以爲虞帝之墳耶集仙錄言帝得修  
身之道治國之要瞑目端坐冉冉乘空而至南方之  
國入于龍門泛昭回之河其中有九疑山焉歷數旣  
往歸理茲山是則九疑之游特夢想之所屆者蔡邕  
九疑碑辭乃云解體而升胡曾且謂今無復墓然則  
蒼梧之藏有其語而已河中之壠焉可誣也世遠論  
略諸生苦信蒼梧之言爲出於經李白云重瞳孤墳  
竟何是虞帝之冢不自昔爲憾也書云陟方乃死

蘇軾謂陟方猶升遐乃死爲章句後學誤以爲經文書云商禮陟配天惟新陟王故紀年謂帝王之沒皆曰陟則在位五十載陟者爲紀帝之沒明矣蘇氏猶未見紀年耳是書考定有虞葬地三妃有鼻諸人之墓歷歷著明蒼梧湘妃之誣昭然可見矣

呂氏春秋舜行德三年而三苗服孔子聞之曰通乎德之情則孟門太行不爲險矣故德之行速於以郵傳命袁燮解七旬有苗格云舜耕歷山時祇見厥父惟知己之有罪不見父之爲頑及其征苗也自省未

晉乘蒐略

卷之一

突

嘗有過惟見苗民之作慝所以逆命至班師之後誕敷文德無異引咎負慝積誠通之而遂格滿損謙益之道也王伯厚謂仲虺之誥成湯召公之訓武王戒其滿而自矜也齊桓服楚魏武得荊州唐莊宗取汴皆以滿失之其諒然哉速於郵傳可證孔子言

困學紀聞尸子曰舜兼愛百姓務在利天下旱則爲耕者鑿瀆狩則爲獵者表虎故有光若日月天下歸之若父母文心雕龍舜之祠田云荷此耒耜耕彼南畝四海俱有謂之祠田不知所據此極言舜公天下

之心也

皇輿全覽載靈山記云昔帝堯遭水繫舟於五臺之南陞故以繫舟各山五臺有四陞去臺各百二十里東陞爲無恤臺昔趙襄子無恤登此觀代國西陞爲菅臺山卽管涔山煬帝避暑居此因天池建宮北陞爲覆宿堆後魏孝文避暑宿此元遺山詩山上離宮魏故基是也南陞卽繫舟山據古經今北臺卽中臺中臺卽南臺大黃尖卽北臺栲栳山卽西臺漫天石卽東臺山周遭如城其巔風甚烈巨剝悉在谷中五

晉乘蒐略

卷之一

六

峰頂皆有積土故謂之臺東臺頂周三里山麓有臺遙見滄瀛諸州日出時下視大海猶陂澤南臺頂周二里名錦繡峰三十里內悉是名花徧生峰岫中臺頂平廣周五里巔巒雄曠有五溪發源二溪左注清河三溪右出峽口西臺頂周二里危磴千雲喬林拂日又名掛月峰月墜巖巔若懸鏡北臺頂周三里風雲雷雨出自半麓有時下方驟雨其上曝晴嘗有大風吹人墮澗如槁葉東望海氣北眺沙漠元好問臺山詠西北天低五頂高茫茫松海露靈鼇太行直上

帝諱也又唐之穆宗諱與漢文同故當時特改恒嶽  
爲鎮嶽及石晉始復名恒山而宋因之至道後以避  
眞宗諱乃更名常山各山記恒山在渾源州南三十  
里左太行右洪河翼以霍山五臺當其案有虞氏北  
巡所憑也當以在渾源者爲北嶽山高三千九百丈  
上方三十里周回一百三十里釋家謂之青峰埵道  
家謂之洞天福地天水經謂之元嶽漢書郊祀志常  
山王遷以常山爲郡然後五嶽皆在天子之郡北嶽  
廟祀自陶唐封濬時始界華葵而稱帝尊埵四嶽而  
晉乘蒐畧

卷之一

主

號北極宋沈括言北嶽常岑謂之大茂山其半屬遼  
以大茂山分脊爲界嶽祠舊在山下石晉後改移近  
裏明御史馬文昇言渾源廟址猶存秦漢隋唐俱於  
山所致祭宋承石晉割賄之後遂祭恒山於眞定曲  
陽縣文之曰地有飛來石語涉不經請復故制寢議  
不行至順治十七年釐正祀典改祭北嶽於渾源州  
舊址元好問詩大茂維嶽古帝孫太樸未散眞巧存  
乾坤自有靈境在地位豈合他山尊中原旌旗白日  
暗上界樓觀蒼煙屯誰能借我兩黃鵠長袖一拂元

都門

漢地理志冀州以北地爲并州古治太原左傳昭公元年昔金天氏有裔子曰昧爲元冥師生允格臺駘宣汾洙障大澤以處太原帝用嘉之封諸汾川沈姁蓐黃實守其祀杜預注太原晉陽臺駘之所居此太原之肇始也周興命唐叔以唐誥封於夏墟疆以戎索顧祖禹曰大原縣北有古唐城爲叔虞始分之地叔虞子燮又徙居晉今太原縣北晉陽古城是也太原之名始見於禹貢太原亦謂之大夏齊桓公西伐晉乘蒐畧

卷之一

圭

大夏涉流沙隱六年晉人逆翼侯於隨納諸鄂桓八年王命立哀侯弟緡於晉杜氏曰鄂卽晉也索隱唐侯之後封夏墟而都於鄂亦謂之大夏其謂大鹵大夏夏墟鄂四易其名實皆晉陽之太原也中國曰太原北翟曰大鹵晉居深山鄰戎翟故疆以戎索也春秋時赤白翟雜處太原山谷間晉人以次剪滅稍驅出塞曹魏居五部於汾澗之濱而太原復被其擾唐開元中突厥九姓內屬者皆散居太原設重兵鎮之置天兵軍於并州太原舊城竹馬府卽府兵所居亦

疆以戎索之道也

尚書傳虞舜分北三苗隋書註黨項卽三苗後分北三苗別其部落離其黨類以銷其勢也山西通志永寧州古離石地離石有步落稽卽黨項也縣南界永寧羣山錯雜黨項散居山谷中唐張說出合河關擊黨項卽此禹貢西戎卽敘析支渠搜皆在西河外唐虞都山西故詳於西北也

平陽府志安邑故城一名禹王城在夏縣西十五里大禹所都依鳴條岡周三十里西南面遺址猶存中

晉乘蒐畧

卷之一

臺

有夏臺一名青臺有神禹廟以帝啟少康配享前有橋橋下卽橫洛渠水經注安邑禹都也禹娶塗山女思戀本國築臺以望之今城南門外臺基是其地皇甫謐云縣西安邑故城夏禹都此方輿紀要縣西北夏城相傳禹建都時築城內青臺高百丈或謂之塗山氏臺元歸暘禹廟詩茫茫天壤間何處無禹蹟維南瞻衡山有北見碣石東方渤海西流沙四載所經今歷歷昔者下巢上窟昏墊勞人如蛭蟻山如螻齊烟不復分九點安有草木能天喬八年獨與鬼神語

萬里乃見魚龍逃青揚宛雍辨區域漆絲締紵隨菁  
茅黃河東流流入海九鼎不傳皇極在先王故國古  
河東巋然尚有神明宮四海魚龍萬赤子孫孫子子  
如斯蠡豈無一瓣香再拜生成功矧當昔年三過處  
物不疵癘田年豐翩翩河漢雙飛龍前驅飛廉後豐  
隆男歌女舞來無窮豈不聞漢家千秋萬歲隆準公  
瑰魄猶然思沛中

水經注昔禹治洪水山陵當水者鑿之故破山以通  
河河水分流包山而過山見水中若柱然故曰砥柱

晉乘蒐略

卷之一

七

三穿旣決水流疏分指狀表目謂之三門平陸縣東  
五十里底柱山一名三門縣志砥柱六峰皆在縣東  
大河中流最北有兩柱相對距峰而立所謂三門也  
次於其南有孤峯特起峯頂平濶禹廟在焉其西有  
立石數枚圓如削成復次其南有三峰東曰金門中  
曰三堆西曰天柱大河湍激於羣峰間南折而東出  
兩崖峽水壁立千仞天下之奇觀也王翰三門津記  
三門集津在平陸縣治東六十里河南山脊峻下其  
尾屬於北山鑿山作三門以通河流南爲鬼門中爲

人門次北爲神門又次北爲開元新河又以中爲夜  
叉門北爲金門新開河爲公主門未詳其說也鬼門  
通穿水勢極峻急人門水稍平緩直東可十五步中  
流有小山乃底柱也東又十步其水濼洄謂之海眼  
深不可測神門最修廣水安妥蓋唐宋漕運之道山  
巖上有閣道石牽泐深尺許想見當時負重涉險之  
危苦矣

方輿紀要陽曲北九十里繫舟山相傳禹治水時曾  
繫舟於此至今有石如環軸浮山縣西六十里有山

晉乘蒐畧

卷之一

五

曰浮山相傳洪水時此山隨水消長志乘所載多出  
後人之附會二說固未可深信然嘗觀北地山崖每  
層有紋橫界層層相沓有隨水消長之形薛文清公  
謂爲天地之初陰陽摩盪而成若水之漾沙一層復  
一層故其形層層相沓玉堂漫筆云混沌初惟有水  
火二者洎乎開闢火日升水日降山阜從水中洗出  
層層皆水所漾觀江河間沙洲可見水天下之至高  
者海底有石山巔有水霜雪雨露之氣自上而下皆  
水也浮山之說似卽以洪水之消長如浮也水之功

用不測山之形迹常存可卽物而窮其理矣

禹貢導河積石至於龍門注禹導河疏決梁山謂斯處也河津縣西北二十五里卽龍門東河津龍門山西韓城梁山兩山壁立中通河流形如門闕河之下龍門駛如竹箭魏土地記梁山北有龍門山大禹所鑿廣八十步巖際鑿跡遺功尚存慎子河之下龍門駛如竹箭駟馬不能及水經河水南出龍門口汾水東來注之薛瑄龍門記出河津縣西郭門西北三十里抵龍門下東西皆層巒危峯橫出天漢大河自西

晉乘蒐略

卷之一

庚

北山峽中來至是山斷河出兩壁儼立相望神禹疏鑿之勞於此爲大由東南麓穴巖構木浮虛駕水爲棧道盤曲而上瀕河有寬平地可二三畝多石少土中有禹廟宮曰明德制極宏麗庭多青松奇木西南一石峰危出半流步石磴登絕頂有臨思閣以風高不可木構甃甃爲之俯視大河奔湍三面觸激石峯疑若搖振北顧巨峽丹崖翠壁生雲走霧開闔晦明倏忽萬變西則連山宛宛而去東視大山巍然與天浮南望洪濤漫流石洲沙渚高原缺岸烟村霧樹風

帆浪舸渺茫出沒太華潼關雍豫諸山彷彿見之  
平陽府志臨汾縣南門外西趙村地相傳爲蒼頡故  
宅宋衷世本蒼頡黃帝史官晉陽三立祠傳蒼頡臨  
汾人其上世蒼帝都武陽頡觀鳥獸蹄迹之跡體類  
象形而制字字有六義一曰象形二曰指事三曰會  
意四曰轉注五曰諧聲六曰假借使天下義理必歸  
文字天下文字必歸六書三立祠中崇祀梓里名賢  
以頡爲首河朔魏敏果公修舉三立祠於晉陽書院  
推廣河汾三賢之祀得風后以下至伯夷叔齊十有

晉乘蒐略

卷之一

七

七人位南向名宦自叔向以下至我朝呂文簡公十  
有八人西向鄉賢自董狐以下至薛文清公十有六  
人東向寓賢卜子夏田子方段干木別爲位居鄉賢  
上先後序列歲時奉祀事題曰三立祠謂不朽也呂  
柟考定三晉名賢云稽之往籍在黃帝有若解州風  
后在唐虞有若稷山后稷在夏有若安邑關龍逢在  
商有若夏縣巫咸平陸傅說首陽伯夷叔齊在周有  
若平遙尹吉甫介休介子推晉陽羊舌肸董狐西河  
卜商在漢有若介休郭泰太原王烈解州關羽在晉

有若晉陽郭琦在隋有若龍門王通在唐有若太原狄仁傑聞喜裴度在宋有若平陽孫復夏縣司馬光介休文彥博聞喜趙鼎在明有若河津薛瑄三晉於周漢晉唐間名賢輩出然間有斑垢智如士會奔秦而教撓吏駢信如荀息事君而不明嫡庶友如鄧攸位高而頗媚權貴忠如霍光溺妻而不正大義王延之孝相劉聰柳宗元之材黨叔文至若祁奚宮之奇段干木周續之周黨溫嶠王績韓通輩雖有懿行不盡純粹故不與諸君子之列夫士論弗正多崇言卑

晉乘蒐略

卷之一

夫

行獎名抑實故馬融訓詁雖草殺李固猶祀孔廟尹焞正學雖賢如朱熹亦短其致知今定祀惟準大道若夷齊吉甫卜商雖非斯土之產然食於斯居於斯葬於斯魂魄依於斯首陽西河平遙相爲引重與日月爭光不可遺也廣采諸史及土著耆英以定去取風化之大原也

名勝志蒲州風陵堆下有風后墓風陵與潼關相對隔河層阜巍然獨秀孤峙河陽世謂之風陵亦曰風堆唐置風陵關於縣南風陵鄉以風后塚名寰宇通

志風后廟在解州東南十里帝王世紀黃帝夢大風吹天下之塵垢寤而嘆曰風爲號令執政者也垢去土后在也天下豈有姓風名后者哉於是依占求之得風后於解之海隅卽今之鹽海也黃帝得風后登以爲相著占夢經十一卷春秋內事黃帝師於風后風后善伏羲之道演陰陽之事周公職錄圖黃帝受命風后受圖割地始布九州置十二圖路史風后明於天道因八卦說九宮以安營壘次定萬民之竈大撓正甲子探五行之精而定納音風后釋之以致其

晉乘蒐略

卷之一

七

用環濟要略風后爲黃帝侍中羅萃云風后所釋如甲子乙丑伏墓金丙寅丁卯乘象火是也世亦有之命鈐叙謂黃帝使風后爲之以序九宮之法藝文志風后兵法十三篇圖三卷孤虛二十卷按史稱黃帝得風后力牧太山稽常先大鴻六相而天下治生軒轅邱而爲有熊氏國今開封之新鄭也風后生於解之鹽海陝洛之間河山所會帝開其先風后執政號令天下掃一世之塵垢中天景運已啟其端矣

通志握奇經風后所著也八陣四爲正四爲奇餘奇

爲握奇或總稱之先出遊軍定兩端天有衝圓地有  
軸前後有衝風附於天雲附於地衝有重列各四隊  
前後之衝各三隊風居四維故以圓軸單列各三隊  
前後之衝各三隊風居四角故以方天居兩端地居  
中間總爲八陣陣訖遊軍從後躡敵或驚其左或驚  
其右聽音望麾以出四奇天地之前衝爲虎翼風爲  
蛇蟠圍繞之義也虎居於中張翼以進蛇居兩端向  
敵而蟠以應之天地之後衝爲飛龍雲爲鳥翔突擊  
之義也龍居其中張翼以進鳥掖兩端向敵而翔以  
晉乘蒐略

卷之一

五

應之虛實二壘皆逐天文氣候向背山川利害隨時  
而行以正合以奇勝天地以下八重以列或曰握機  
望敵卽引其後以犄角前列不動而前列先進以次  
之或合而爲一因離而爲八各隨師之多少觸類而  
長天或圓而爲動前爲左後爲右天地四望之屬是  
也天居兩端其次風其次雲左右相向是也地方布  
風雲各在後衝之前天居兩端其次地居中間兩地  
爲比是也縱布天一天二次之縱布地四次於天後  
縱布四風挾天地之左右天地前衝居其右後衝居

其左雲居兩端虛實二壘則此是也風后出於解梁之鹽海間爲黃帝佐命元老征不服討不庭作爲陣圖分列八宮八宮之位正則數不愆神不惑故入其陣所以定位也衡抗於外軸布於內風雲負其四維所以備物也虎張翼以進蛇向敵而蟠飛龍翔鳥上下其勢所以致用也至若疑兵以固其餘地遊軍以按其後列門具將發然後合戰弛張則二廣迭舉犄角則四奇皆出必使陷堅陣拔深壘若星馳天旋雷動山破彼魏之鶴列鄭之魚麗周武之熊羆昆陽之晉乘蒐略

卷之一

全

虎豹出匪以律我異於是旣而圖成罇俎帝用經略北逐獯鬻南平蚩尤戡黎於版泉省方於崆峒底定萬國旁羅七曜鼎成龍至去而上僊於是遺風冥冥時亡而圖存

顧炎武曰史稱女媧氏煉五色石以補天相傳其遺竈在平定之東浮山予謂此卽後世燒煤之始陸深浮山遺竈記平定之山以浮名者二東浮山卽女媧氏補天之處其煉石竈尙存予嘗疑補天之說今適其地覩其跡土人於每歲上元家置一爐於當戶實

以雜石附以石炭至夜煉之火焰上屬天爲之赤謂之補天子於是始悟以爲此蓋史氏之微詞也媯皇之興繼太昊而誅其工是時火德中微生民甚樸想夫茹毛飲血之外固未能盡火之用也况鴻荒初開材木鮮少樵薪之利尙微而附麗之幾猶隱媯皇乃察物宜前民用是故制此以通昏黑之變輔烹飪之宜蓋曰補天之所不及耳後世所謂焚膏繼晷爨火代明亦斯義也媯皇煉石補天猶嫫祖教民治蠶易曰裁成天地之道輔相天地之宜以左右民此之謂也媯皇煉石而天下得烹飪之宜西陵教蠶而天下無皺瘵之患前民利用以開民先後世衣食之道裕於此矣

晉乘蒐略

卷之一

全

霍太山爲中鎮山西有觀槌峯載於霍志羗水西流經觀阜北百邑也顧寧人謂觀槌者觀阜之訛也又云水經注有云霍岳廟甚靈鳥雀不棲其林猛虎常守其庭又有靈泉以供祭事鼓動則流聲絕則水竭所謂觀槌者豈以鳴鼓致泉而名之乎否耶顧寧人丹水辨云山海經謁戾之山沁水出焉東有

林曰丹林丹林之水出焉南流注于河又曰發鳩之山漳水出焉是丹水不出于發鳩也水經注云丹水出高都縣故城東北阜下俗謂之源源水山海經所謂丹林之水卽斯水矣洙水導源洙氏縣西北玄谷東南入高都縣古入丹水上黨記曰長平城在郡南山中丹水出長平北山南流秦抗趙衆流血丹山故俗名丹水由此觀之洙丹本自二水血流成川之說自古而云然矣不爲無據州志謂長平北山爲丹朱嶺解云堯封丹朱于此頗謬又有謂爲丹朱陵者謂丹朱葬此皆丹林之誤稱也其謂長子爲丹朱封國者亦誤

郡國書曰石炭卽煤也東北人謂之渣南人謂之煤山西人謂之石炭平定所產尤深堅黑而光極有火力宋史陳堯佐傳堯佐爲河東路轉運使以地寒民貧仰石炭以生奏除其稅堯佐先知并州治行卓卓知邊方宜便故爲民利如此

名勝志黃帝封其支子於潞春秋爲潞子嬰兒國晉滅之漢爲潞縣十三州志云潞縣潞水所出流入濁

漳隋於潞加城字上黨記潞濁漳也縣城臨潞晉林父伐曲梁在城西十里今名石梁是也

十三州志管涔山一名燕京山山自燕西逆折而來重阜修巖有草無水西南夾岸連山聯峯接勢北原上有池曰天池方里許常盈不涸澄渟如鑑卽汾水之源北人謂天爲祁連亦謂之祁連泊相傳其水潛通桑乾卽桑乾之上源池水陰霖不溢無能測其淵深古老相傳嘗有人乘車池側忽遇大風飄入於水有人獲其輪於桑乾泉故知二水潛流通注矣池東

晉乘蒐略

卷之一

全

陽阜又有一石池方可五六十步清深鏡潔不異天池管涔天地之奧區山川精氣融結渟而爲池南流爲汾曲折以達於河北通桑乾上源滙流以歸於海精華皆萃於是誠異境也郡國書曰桑乾上源出天池伏流至桑乾縣西北上下七泉卽潦涓水東南流右會邑川水又東南右合濕水濕水出陰館縣累頭山一曰治水至此相合桑乾濕水並受通積矣又東逕班氏縣南如渾水注之如渾水出涼城旋鴻縣西南五十里東流逕水關又東南至班氏入濕水以今

考之元魏桑乾縣在今朔州馬邑境內而漢之陰館  
爲今應州山陰縣亦與馬邑接壤班氏則在應州之  
東北也是桑乾出馬邑縣右合山陰之濕水至應州  
東與如渾水合古則隨地異名今通謂之桑乾矣但  
今志稱濕水爲灑水又謂爲濼涓河卽桑乾之源則  
非也南齊書平城南有干水出定襄界流入海去城  
五十里號索干水卽桑乾之譌也明一統志桑乾河  
在大同縣南六十里源出馬邑縣北洪濤山下與金  
龍池水合流東南入蘆溝河地理通釋桑乾河陸路  
晉乘蒐略卷之一  
止八十八里而水程至七百二十七里河之紆曲未  
有比者

史記天官書自初生民世主曷嘗不歷日月星辰及  
至五家三代紹而明之內冠帶外夷狄仰觀象於天  
俯察類於地天則有日月地則有陰陽天有五星地  
有五行天有列宿地有州域三光者陰陽之精氣本  
在地而聖人統理之孔子論六經紀異而說不書至  
天道命不傳傳其人不待告告非其人雖言不著昔  
之傳天數者高辛之前重黎於唐虞羲和有夏昆吾

殷商巫咸周室史佚萇宏於宋子韋鄭則禪竈在齊  
甘公楚唐昧趙尹臯魏石申夫天運三十六歲一小  
變百年中變五百載大變三大變一紀三紀而大備  
此其大數也

春秋元命包云陰陽聚爲雲氣天官書凡望雲氣恒  
山之北氣下黑上青自華以南氣下黑上赤嵩高三  
河之郊氣正赤北夷之氣如羣畜穹閭南夷之氣類  
舟船幡旗大水處敗軍場破國之虛下有積錢金寶  
之上皆有氣海旁有蜃氣象樓臺廣野氣成宮闕然

晉乘蒐略

卷之一

全

雲氣各象其山川人民所聚積故候息耗者入國邑  
視封疆田疇之正治城郭室屋門戶之潤澤次至車  
輻畜產精華實息者吉虛耗者凶若煙非煙若雲非  
雲郁郁紛紛蕭索綸困是謂卿雲卿雲見喜氣也若  
霧非霧衣冠而不濡虛耗之氣見也淮南子云土地  
各以類生人是故山氣多勇澤氣多瘠風氣多龔林  
氣多蹇木氣多偃石氣多力險阻氣多壽谷氣多痺  
邱氣多狂廟氣多仁陵氣多貪輕土多利足重土多  
遲清水音小濁水音大湍水人重中土多聖人皆象

其氣皆應其類也

通鑑外紀伏羲德洽上下天應以鳥獸文章地應以河圖洛書則而象之乃作易大傳河出圖洛出書漢孔安國劉向父子班固俱以河圖授羲洛書錫禹後說易者皆以河圖說洪範者皆以洛書紛紜膠葛闡百詩折衷於明宋文憲王子充歸熙甫及近時黃太冲具載其說宋文憲濂謂河圖洛書聖人則之但以神物之至著者而畫卦陳範苟無圖書未見其止也故程子謂觀兔亦可畫卦其他可知初不必泥其

晉乘蒐略

卷之一

矣

圖之九與十也不必推其卽太乙下行九宮法也不必疑其爲先天圖也不必實其與太極圖合也惟劉歆以八卦爲河圖班固以洪範初一至次九六十五字爲洛書庶幾近之王子充洛書辨云洛書非洪範也洪範九疇禹之所自叙而非洛書也易曰河出圖洛出書未始以洛書爲洪範也分圖書爲易範而以洪範九疇合洛書則自漢儒孔安國劉歆諸儒始其不可信者有六吾謂洛書之奇偶相對卽河圖之數散而未合者也河圖之生成相配卽洛書之數合而

有屬者也歸熙甫洪範傳略曰洪範之書起於禹聖人神明斯道天佑之於冥冥之中而有以啟其衷者故箕子以爲傳之禹而禹得之天漢儒說經多用緯候之書遂以爲天實有以畀禹箕子所言錫禹洪範九疇何嘗言其出於洛書易之道甚明而儒者以河圖亂之洪範之義甚明而儒者以洛書亂之其始起於緯書而晚出於養生之家非聖人語常不語怪之旨也黃太冲言易之廣大無不備漢儒林傳孔子六傳至田何易道大興降而焦京世應飛伏動爻互體

晉乘蒐略

卷之一

全

五行納甲之變無不具易之本意反晦伊川作易收其旁薄者散之於六十四卦易道大定其時康節上接种放穆修李之才之傳而創爲河圖先天之說亦不過一家之學耳世儒信象數爲絕學九流百家之學俱可竄入易學仍如焦京時矣按邵子以圖說易通乾流坤戴九履一之數精晰淵微朱子揭五行之要辨體用常變之殊以中爲主而外爲客故河圖以生居中而成居外正爲君而側爲臣故洛書以奇居正而偶居側合卦範兼通之妙橫縱曲直無不相隨

作本義與易傳並行邵子據大傳之文言數而理在其中因數晰理據理徵數非方伎所能窺測矣

禹貢冀州帝畿也外爲甸服堯都平陽其故城在汾水之西今府治白馬城西南括地志云平陽城東面堯築者是以是爲中東至河南彰德府六百里六百里古五百里也南至河南河南府盧氏縣東南界六百里跨入豫州西至陝西延安府鄜州六百里跨入雍州北至山西太原府西靜樂縣南界六百里東南到河南開封府許州南界亦跨入豫州西南到陝西晉乘蒐略

卷之一

全

西安府鎮安縣界亦跨入雍州西北到延安府米脂縣西北榆林衛界亦跨入雍州東北到直隸真定府如是而後晝然井然號稱甸服甸服有賦而無貢禹以山川定九州之域隨其勢以四方之土畫帝畿惟其形各有取爾也閻百詩論之詳矣

方輿紀要顧氏祖禹論川瀆異同云九水之中黑弱則荒裔之川也河流自塞外經中國迴環半于天下在禹貢九州則雍豫冀兗皆其所經今且折而入徐青侵揚州北境矣江流縈紆廣衍其在禹貢則梁荆

揚三州之地其所經也究其源流與河大抵相埒南江北河實所以統紀羣川故于天象亦以兩河分界而中原之形勝胥萃于此焉漢水出梁州之北經荊州之半而合于江淮水出豫州之南繞徐州之境以注于海比之江河源流未逮其半濟出于冀州之南雖經豫兗二州之境尙有青州然大都于淮漢比肩不能與江河並駕也今且滅沒難明在闕疑之列矣渭洛在雍豫中足爲羣川之長然皆以河爲宗如大國之附庸然故更次于淮濟也或曰言渭水以雍州爲天下險言洛水以豫州爲天下中然其爲川也僅及于境內恐未足以該天下矣是九川之中其條貫猶存而經緯可見者惟江淮河漢四水而已孟子言水由地中行不證以四瀆而云江淮河漢舉其形勢之大者言之也

